

四庫全書考證

二

舊



叢書集成

初編



王雲五 編者
王雲 編者

商務印書館發行

國家圖書館典藏
由國家圖書館數位化



證考書全庫四

(一)



082124
2437
11

四庫全書考證卷二十六

史部

南齊書

梁書

陳書

魏書

北齊書

周書

隋書

南史



四庫全書考證 卷二十六

101M

007481

國立中央圖書館

中華民國二十八年

中華民國二十八年



1011

007481

南齊書 梁蕭子顯撰

卷一

高祖紀。西陵王撫軍參軍。刊本上軍字訛車。據監本及毛本改。

卷三

武帝四年紀。千畛咸事。六稔可期。刊本稔訛仞。據監本改。

卷六

明帝二年紀。詔南徐州僑舊民丁多充戎旅。刊本充訛克。今改。

卷八

和帝紀。驃騎將軍薛元嗣等固守。刊本守訛城。據監本改。

卷九

禮志。建元四年。始祠五帝。未定郊丘。刊本祠訛時。據監本改。

建武二年志。皆以孟夏得雨。刊本雨訛而。據監本改。

卷十一

樂志。北郊歌。昭祀式慶。刊本祀訛司。據梅鼎祚樂苑改。又留宸睠。刊本宸訛辰。據監本改。

賓出入奏肅咸樂歌。助寶尊軒。刊本尊訛奠。據郭茂倩樂府及梅氏樂苑改。

送神奏昭夏樂歌。龍已沫。刊本沫訛秣。今改。又翊帝明德。刊本翊訛詡。據監本改。

初獻奏凱容宣烈樂歌。玉鑣息節。刊本鑣訛虞。據樂苑改。又式誠達孝。刊本式訛戒。據樂府樂苑改。

雩祭迎神歌。對氓社。刊本氓社訛泯社。據監本改。

青帝歌。奠春酒。刊本奠訛樽。據監本改。

赤帝歌。兩龍既御炎精來。刊本兩訛雨。據樂府改。

羣臣出入奏肅咸樂歌。蚤儀式序。刊本式訛飾。據樂府改。

薦豆呈毛血。奏嘉薦樂歌。上澄五緯。刊本澄訛登。據樂府改。

送神奏肆夏樂歌。神光動。刊本神訛申。據樂府改。

肆夏樂歌。比量乾坤。刊本量訛景。據樂府改。

州郡志。齊寧郡開城延海新邑建初。刊本脫延海以下六字。據監本增。

卷十七

輿服志。指南車注。上四角皆施龍子竿。縣雜色真孔雀毼。刊本竿訛于。據監本改。

油幢絡車。王公加禮者之常乘。刊本之下衍爲字。據監本刪。

卷二十

皇后傳。覺而乳大出。異而乳之。刊本下乳字訛說。據監本改。

卷二十一

文惠太子傳。義豈相當。刊本當訛主。據監本改。

豫章文獻王傳。亦復不能以理內自制。刊本制訛剝。今改。

卷二十三

王儉傳。與之從事。刊本從訛後。據監本改。

卷二十四

柳世隆傳。截其津要。刊本津訛精。又昨夜得北使啓。鍾離間。賊已渡淮。刊本間訛開。並據監本改。

卷二十五

張敬兒傳。乃分帛而衣。刊本分訛命。據監本改。

卷二十六

陳顯達傳。與朝貴書曰。諸君足下。刊本君訛軍。據監本改。

卷二十七

劉懷珍傳。領數千人戍不其城。刊本不訛守。據監本改。

卷二十九

呂安國傳。安國移屯沔口。刊本沔訛河。據監本改。

周山圖傳。衆百餘人束手降。刊本手訛首。據監本改。

卷三十一

江謐傳。謐托病私舍。刊本脫托字。據監本增。

卷三十四

虞玩之傳。昔爲人役者。今反役人。刊本昔訛古。又屬役無漏。刊本漏訛滿。並據通典改。

卷三十五

鄱陽王鏘傳。車駕遊幸。刊本車訛事。據監本改。

卷三十八

蕭穎胄傳。領別駕軍。主宗夫。刊本夫訛史。據監本改。

卷四十一

張融傳。重嶂岌岌。刊本嶂訛彰。又却瞻無後。向望無前。刊本下無字。訛行。並據張融賦改。

周顥傳。後何胤亦斷食肉。猶欲食白魚。鮓脯糖蟹。刊本亦訛言肉。訛生下食字。下衍肉字。又鮓訛鮓。並據

監本刪改。

卷四十七

王融傳。臣請收籍伊瀘。刊本伊訛依。據監本改。又思策鈍鷲。刊本思訛恩。鈍訛鉛。並據監本改。

卷五十一

裴叔業傳。植等皆遷洛陽。刊本遷訛還。據監本改。

卷五十二

祖冲之傳。出爲婁縣令。轉謁者僕射。刊本脫轉字。今增。

史臣論。不雅不俗。獨申胸懷。刊本申訛中。據監本改。

卷五十四

顧歡傳。何足述效。刊本述訛術。據監本改。

庾易傳。祖攷巴郡太守。刊本郡訛部。又終歲鮮毛之衣。刊本歲訛其。鮮訛解。並據監本改。

史臣論。引古證今。刊本今訛之。據監本毛本改。又乖心異旨。刊本旨訛言。據監本改。

卷五十六

倖臣傳。建武世。詔命始不關中書。刊本始訛殆。據監本改。

紀僧真傳。初惠開在益州。土寇反。刊本脫寇字。今增。

卷五十七

魏虜傳。世祖發揚徐州民丁。刊本脫徐字。又咸陽王元禧。刊本禧訛禧。並據監本增改。

梁書唐姚思廉撰

卷一

武帝紀。荊州遣冠軍將軍鄧元起。軍主王世興。田安之等。刊本脫之字。據下文增。又緝熙王道。刊本道訛。遂據汲古閣本改。

卷二

武帝天監元年。元功子萬姓。故能大庇氓黎。刊本庇訛此。據汲古閣本改。十年。以國子祭酒張充爲尙書左僕射。刊本充訛克。今改。十六年六月。以廬陵王續爲江州刺史。刊本續訛績。據毛本改。

卷三

大統元年九月。輿駕幸同泰寺。刊本寺訛守。今改。大同七年。詔自今公田悉不得假與豪家。刊本得訛能。今改。太清二年。舍人孔子祛等。刊本祛訛袂。據汲古閣本改。

卷四

簡文皇帝紀。帝諱綱。字世纘。案南史纘作讚。與此異。

大寶元年春正月辛亥朔。刊本辛訛乙。據通鑑目錄改。

卷五

孝元皇帝太寶元年。南通五嶺。北出九原。刊本九訛力。今改。又將何用繼蹤曲阜。擬跡桓文。刊本蹤訛縱。今改。

卷六

敬皇帝太平二年四月。并督內爲賊所拘逼者。並皆不問。刊本拘訛居。據汲古閣本改。又爲陳公備九錫之禮。加璽紱遠遊冠。刊本加訛如。今改。

卷八

昭明太子傳。待優實以行。刊本行訛不。據明監本改。

卷十一

呂僧珍傳。便是大有所進。刊本便訛使。據明監本並汲古閣本改。

卷十三

沈約傳。公初伏兵樊沔。刊本樊訛楚。據明監本及汲古閣本改。又關尚書八條事。刊本關訛奏。據汲古閣本改。又秋鷺冬鸛。刊本冬訛寒。又織儵鉅鱧。碧鱗朱尾。刊本儵訛儵。並據沈約本集改。又約少時孤貧。丐於宗黨。刊本宗訛崇。據明監本改。又豫州獻栗。帝問曰。栗事多少。與約各疏所憶。刊本

憶訛億據明監本改。

卷十四

任昉傳。若乃匠人輟成風之妙巧。刊本脫乃字。據文選增。又馳騫之俗。澆薄之倫。刊本騫訛騫。據文選及汲古閣本改。

卷十五

謝朓傳。假使魏早依唐虞故事。亦當三讓爾。刊本爾訛彌。據汲古閣本改。

卷十六

張稷傳。魏師退。稷還荊州。刊本魏訛虎。據汲古閣本改。

卷十七

馬仙琕傳。會超等亦相次退散。刊本超訛起。據汲古閣本改。

卷二十

陳伯之傳。數爲劫盜。嘗援面覘人船。刊本援訛授。蓋汲古閣本之訛。考說文。援。引也。援面。猶引領引頸之類。又殺性以盟伯之先敵。刊本敵訛飲。並據南史改。又乃留鄉人唐蓋入守城。刊本入訛人。今改。

卷二十一

柳惲傳。拜駙馬都尉。刊本尉訛督。據明監本改。

蔡摶傳。摶少方雅退默。刊本摶訛搏。據汲古閣本改。
史臣論王瞻等並有才行。刊本並訛子。今改。

卷二十二

鄱陽忠烈王恢傳。都督益寧南北秦沙五州諸軍事。刊本五訛七。據本文州名改。
始興忠武王憺傳。憺字僧達。太祖第十子也。刊本十下衍一字。今刪。

卷二十五

徐勉傳。右軍叅軍司馬駿。刊本駿訛裴。據汲古閣本改。

卷二十七

陸襄傳。先是郡民鮮于琛服食修道法。刊本鮮訛解。據明監本及汲古閣本改。又帥衆拒于仙。案南史拒作躡。與此異。

卷二十九

邵陵攜王綸傳。博參物論。刊本博訛溥。據明監本改。

卷三十

袁昂傳。昔馬棧與弟毅同居。案南史與下有從字。

卷三十二

陳慶之傳。率衆二萬。案南史二作十。與此異。又刁宣刁雙入梁宋。刊本刁訛刀。據南史改。

卷三十三

王僧孺傳。累遷鎮右始興王中記室北中郎。刊本北訛此。據明監本及汲古閣本改。

張率傳。屬有今信。乃復及之。刊本乃訛及。據明監本及汲古閣本改。

劉孝綽傳。臣聞之先聖。衆惡之必監焉。衆好之必監焉。案論語。監作察。與此異。又故晏嬰再爲阿宰而

前毀後譽。刊本而訛同。據汲古閣本改。

卷三十八

朱异傳。歷官至員外常侍。至侍中。刊本常訛當。據明監本及汲古閣本改。

賀琛傳。不宜同於闕茸。刊本闕訛關。據漢書改。

卷四十一

蕭洽傳。前後居之者皆致巨富。刊本後訛從。據汲古閣本改。

卷四十三

張暉傳。今欲收集兵力。刊本欲訛若。據汲古閣本改。

卷四十七

吉玚傳。盛陳徽纆。刊本纆訛纏。據周易改。

謝蘭傳。稍授以經史。過目便能諷誦。刊本授訛受。據南史改。

卷四十八

范縝傳。真極理無有二。刊本真訛員。據汲古閣本改。

卷四十九

何遜傳。范雲見其對策。大相稱賞。因結忘年交好。案南史無好字。此異。

又濟陽江避。案後吳均傳避作洪。與

卷五十

劉杳傳。此言未必可。案考南史案作安。

臧嚴傳。累任皆蠻佐。刊本佐訛左。今改。

伏挺傳。挺字士標。刊本標訛標。據汲古閣本改。

陸雲公傳。忘其年歲。刊本歲訛義。據汲古閣本改。

任孝恭傳。正德舉衆入城。刊本城訛賊。今改。

卷五十一

阮孝緒傳。聞者咸歎異之。刊本咸訛戚。據明監本及汲古閣本改。

庾詵傳。隣人有被誣爲盜者。刊本被訛彼。今改。

卷五十六

侯景傳。卽決石闕前水。刊本卽訛。旣今改。又武林侯諮常出入太宗臥內。景黨不能平。故害之。刊本之訛人。據明監本及汲古閣本改。又是時景屯於皖口。刊本口訛是。今改。

陳書 唐姚思廉撰

序列於學官。刊本官訛者。今改。

卷一

高祖本紀。應分我兵勢以弱制強。刊本我訛賊。今改。

卷二

永定三年紀。襲主帥羊陳等三十餘人。案三南史作四。

卷十

周鐵虎傳。尋隨周文育於南江拒蕭勃。刊本拒蕭訛據肅。又命鐵虎偏軍於苦竹灘襲勃前軍。刊本襲訛襲。並據監本改。

卷十四

南康愍王曇朗傳。奉忠壯王祀。刊本壯訛莊。據毛本改。

卷十六

蔡景歷傳。滌瀨源而澄九派。刊本澄訛登。據監本改。又是時高祖銳意河南。刊本祖訛宗。今改。

卷二十五

裴忌傳。高宗卽位。刊本宗訛祖。今改。

卷二十六

徐陵傳。地缺東南。刊本南訛西。據監本改。又生輕一髮。死重千鈞。刊本死訛自。今改。

卷二十八

長沙王叔堅傳。卽日擒其將戴溫、譚騏驎等。刊本溫訛洳。據叔陵傳改。

會稽王莊傳。隋大業中。爲會昌令。案會昌南史作昌隆。

卷三十

顧野王傳。在朝無過辭失色。刊本朝訛物。據監本改。

卷三十五

周迪傳。廬陵太守陸子隆。刊本陵訛陸。今改。

陳寶應傳。世爲閩中著姓。刊本著訛四。據監本改。

卷三十六

考證自小航渡欲趨新林刊本小訛有今改。

魏書齊魏收撰

卷二

太祖七年紀西部泣黎大人刊本人訛夫據監本改。

卷四

世祖三年紀大破諸氏解仇池圍刊本仇訛他今改。

正平二年紀改元爲承平刊本承訛永據北史及通鑑改。

卷五

高宗太安元年紀今遣尙書穆眞等刊本穆下衍伏字據穆崇傳及北史刪。

卷八

世宗正始三年紀首虜二千餘案楊大眼傳作俘馘七千有餘與此異。

卷九

肅宗紀地豆干刊本脫干字據本傳增。

孝昌元年紀擒蕭世澄等十一將案蕭衍傳作擒其次將蕭世隆等十二人與此異。

卷十二

孝靜帝天平二年紀。濟州刺史蔡儁討平之。刊本儁訛雋。據別本改。

卷十四

文皇帝孫子思傳。同彼浮虛。助茲乖失。刊本茲訛之。據北史改。

卷十六

河南王曜傳。長子伯宗。案宗北史作崇。

卷二十八

劉潔傳。率衆三千人屯於西河。案三太宗紀作二。

卷三十一

于栗磾傳。四贈公。三領軍。二尚書令。刊本公三二字互倒。又脫二字。據于勁傳及北史改增。

卷三十三

屈遵傳。以爲南部大人。刊本人訛夫。據北史改。

卷三十五

崔浩傳。范亨黃輔等。刊本亨訛耳。據毛本改。

卷三十六

李順傳。信夕惕而懷驚。刊本惕訛陽。據毛本改。

卷三十七

司馬楚之傳。屯潁以距之。刊本川訛州。今改。

卷三十八

刁雍傳。子冲字文朗。刊本朗訛助。據儒林傳及北史改。

卷四十

陸俟傳。及期吳叔不至。刊本脫期字。據北史增。

卷四十一

源賀傳。大將咸受節度。刊本咸訛啓。據毛本改。

卷四十二

薛辯傳。遷廷尉丞。廷尉寺隣接北城。刊本脫丞廷尉三字。據毛本及北史增。

卷四十九

李靈傳。綜子道字良軌。案道北史作遵。

卷五十一

呂羅漢傳。外任方牧。正是志士建節之秋。刊本闕方牧正是四字。據毛本補。

孔伯恭傳。伯遜爲中書博士。刊本闕博士二字。據官氏志補。

卷五十三

李冲傳。往年乘機。天時乃可。而闕人事。刊本年訛來。據監本毛本改。

卷五十六

鄭義傳。諡曰簡。刊本曰訛田。又簡下衍曰字。據監本毛本改刪。

卷五十九

蕭寶夤傳。有濟陰芮文寵。案芮北史作苗。

卷六十六

崔亮傳。爲尙書郭祚所委。刊本祚訛程。據郭祚傳及北史改。

卷七十一

江悅之傳。善於綏納。甚得物情。刊本情訛情。又時杜洛周葛榮等。刊本杜訛討。並據監本毛本改。

卷七十三

楊大眼傳。俘馘七千有餘。案七宣武帝紀作二。

卷七十七

辛雄傳。劉厥楊機等。刊本厥訛欽。據儒林傳序及北史改。

卷八十

賀拔勝傳。祖爾逗。案逗。北史作頭。又三年正月。岳召侯莫陳悅會于高平。刊本三訛五。據孝武帝紀及侯莫陳悅傳改。

卷八十四

劉獻之傳。見臯魚之歎。刊本臯訛旱。據韓詩外傳改。

卷八十八

明亮傳。由是徽竟獲免。刊本竟訛音。今改。

卷九十一

張淵傳。五座並設。注。黃帝含樞紐。刊本紐訛任。今改。又妖星起。注。春秋魯昭公十年。刊本昭訛襄。又恆星不見。以周衰。注。昔魯莊公七年。刊本七訛十。並據左傳改。

卷九十五

劉聰傳。淵南走蒲子。語在序紀。刊本紀訛傳。據毛本改。

徒河慕容廆傳。彗星經尾箕之分。刊本箕訛國。今改。

卷九十九

張寶傳。出孚爲伊吾都尉。刊本孚訛李。今改。

卷一百

豆莫婁國傳。皆以六畜名官。刊本名訛多。據毛本改。

卷一百三

蠕蠕國傳。又阿伏至羅侵醜奴。刊本脫伏字。據上文增。又羊五百口。刊本百訛十。據監本毛本改。

卷一百五十一

天象志。肅宗神龜元年。白虹貫日。占曰。天下有來臣之象。刊本象下衍不字。又二年十一月。刊本二訛

三。並據肅宗紀刪改。

卷一百五十二

太宗永興元年閏十月。刊本脫十字。據太宗紀增。

卷一百五十三

太宗和平五年七月。有流星長丈餘。注進平荆雍。刊本闕荆雍二字。據毛本補。

卷一百六十

地形志。涼州武威郡領縣二戶三百四十。刊本脫十字。據毛本增。

卷一百七上

律麻志上。奉詔聽可。刊本闕奉字。據毛本補。

十六日十二度注二百九分刊本脫此四字據監本毛本增
推四正卦刊本推訛爲據監本毛本改

熒惑餘三千一百五十四案三監本毛本作二

卷一百七下

律麻志下歲常不及故加壬子七度刊本闕七字據毛本補

北齊書隋李百藥撰

目錄

列傳第四十二恩倖案傳序云今緝諸凶族爲佞倖傳又北史恩倖傳序云魏書有恩倖傳齊書有佞倖傳則此書篇目應作佞倖諸本並作恩倖誤

卷四

文宣帝紀功浹寰宇威稜海外刊本稜訛陵據監本毛本改

天保三年登注子庫提並擁衆來奔刊本登訛發據上文及北史改

四年山胡圍離石戍帝討之刊本戍訛作戍寅二字又送茹茹主鐵伐父登注刊本脫父字並據北史
改增

五年庚午以司州牧清河王岳爲太保。刊本午訛子。案上文八月丁巳。則此月不應有庚子。今據北史改。
六年詔以梁散騎常侍瀋陽侯蕭明爲梁王。刊本溟訛貞。據地理志改。
十年誅始平公元世哲。東平公元景式等。刊本脫哲字。據元韶傳及通鑑增。

卷八

天統四年上太上皇后尊號爲皇太后。刊本脫上上字。據監本及北史增。

武平元年太保琅邪王儼矯詔殺錄尙書事和士開於南臺。刊本保訛尉。據上下文及本傳改。

三年追贈故琅邪王儼爲楚帝。刊本帝訛王。據本傳及北史改。

五年唐邕等大破思好。思好投水死。焚其屍。刊本水訛火。案旣死于火。不應復有焚屍事。今據本傳及通鑑改。

史臣論虐人害物。搏噬無厭。刊本噬訛齒。據監本及北史改。

卷九

神武婁后傳。宮女進白袍。帝怒投諸臺下。刊本宮訛帝。據北史及通鑑改。

卷十一

蘭陵武王傳。嘗入朝而出。僕從盡散。刊本脫出字。據北史增。

卷十四

思好傳。以行臺左丞王尙之爲長史。刊本丞下行相字。據監本及北史刪。

卷十五

潘樂傳。討元顥。以功封敷城縣男。刊本顥訛顯。據監本及北史改。

卷十五

段榮傳。乃留儀同敬顯。雋堯雄等圍守宿預。刊本雄下行示字。據監本刪。

卷十八

孫騰傳。子鳳珍嗣。鳳珍庸暗。刊本暗訛常。據監本毛本及北史改。

卷十九

賀拔允傳。武帝又委岳兄勝。心腹之寄。刊本兄訛弟。據北史及魏書改。

莫多婁貸文傳。執敬顯。斬于閭闔門外。責其不留晉陽也。刊本晉訛平。據北史改。

卷二十

張瓊傳。二人勸幼主作承光主詔。禪位任城王。刊本光訛先。據監本及北史改。

慕容儼傳。每從征伐。多有剋捷。刊本伐訛役。據監本毛本改。

卷二十一

高乾傳。及弒朱兆。弒莊帝翼。保境自守。刊本兆訛榮。據北史及魏書改。又面論時事。乾因勸高祖宜受。

魏禪刊本宜訛以據監本毛本改。

封繪傳加伏波將軍從高祖征朱兆刊本征訛從據毛本改。

卷二十二

盧文偉傳既至役所作築長城賦刊本作訛在據監本毛本及北史改。又後行南營州刺史刊本後訛

夜據監本毛本改。

卷二十八

元孝友傳婦人不幸生逢今世案不北史作多。

元弼傳字輔宗案輔宗北史作邕明又宣武徵爲侍中刊本徵訛中據北史改。

元韶傳性好學美容儀刊本性訛匡據毛本改。

卷二十九

李繪傳年六歲便自願入學家人以偶年俗忌約而勿許刊本以偶二字互倒據北史改。又裴伯茂魏

收盧元明等刊本茂訛莊據北史改。

卷三十一

王晞傳伺察羣下好相誣枉刊本脫枉字據監本及北史增。

卷三十二

陸法和傳。封江乘縣公。刊本乘訛業。據監本北史及南齊書改。

卷三十七

魏收傳。撰辨宗家錄三十卷。案元暉業傳及舊唐書經籍志。新唐書藝文志。並無室字。又辛元植睦仲讓。刊本仲訛元。又若實便須決行。此言非戲。刊本非訛若。並據毛本刪改。

卷三十八

趙彥深傳。及文襄爲尙書令。攝令選沙汰諸曹郎。刊本脫攝字。據監本及北史改。

卷三十九

祖珽傳。除爲章武太守。刊本章訛寧。據毛本北史及魏書改。

卷四十五

文苑。東閣祭酒崔德。太學博士諸葛漢。案北史德下有立字。

卷四十六

宋世良傳。莫不攀援涕泣。案援北史作輟。

卷四十七

邸珍傳。不能致身死難。方清宮以迎篡賊。刊本身訛死。又篡訛暴。並據監本及北史改。又文襄怒杖遊道而判之。案杖北史作收。又道下有辯字。

卷四十九

許遵傳。彼爲火陣。我爲木陣。火勝木。我必敗。案火。北史並作水。木並作火。
吳遵傳。太后令以遺詔追世祖。及卽阼。授中書舍人。刊本授下衍其字。據監本刪。

卷五十

穆提婆傳。穆昭儀養之爲女。刊本女訛母。據穆后傳及北史改。
韓寶業傳。飛鞭競走。數十爲羣。刊本競訛竟。據毛本及北史改。

周書 唐令 孤德棻撰

卷一

文帝紀。左右竊一銀鏤甕以歸。太祖知而罪之。卽剖賜將士。刊本剖訛割。據監本及北史改。

卷二

魏大統七年。太祖率諸將朝於行在所。刊本在所二字互倒。據監本改。

十年。魏帝以太祖前後所上二十四條。及十一條新制定爲中興永式。刊本定訛方。據北史改。

卷四

明帝紀。二年丁巳。雍州置十二郡。又于河東置蒲州。刊本下置字訛至。據毛本改。

卷五

武帝紀建德元年壬子皇孫衍生文武官普加一階刊本階訛借今改。

卷六

六年濫罰淫刑動挂羅網刊本挂訛持據監本及北史改。

卷九

宣帝元皇后傳大象元年七月以后父進位上柱國刊本元訛末據宣帝紀改。

卷十一

叱羅協傳保定二年追論平蜀功刊本定訛安據通鑑改。

卷十二

齊煬王憲傳長孫覺總兵輔政恐諸王有異志刊本恐訛而據毛本及北史改。

卷十二

史臣論著論者溺於貴遠司契者難於易業刊本遠訛達據北史改。

卷十五

史臣論王建匡合之謀此功固不小也刊本固訛何據北史改。

卷十八

王思政傳。歛容跪而自誓。刊本跪下衍生字。據北史刪。

卷十九

王雄傳。惜爾不殺。但生將爾見天子。刊本但生將訛得但任。據北史改。

卷二十三

蘇綽傳。示之以樸素。使百姓亶亶。日遷於善。刊本日訛中。又若此三時不務省事。刊本時訛者。並據北史改。

卷二十八

史寧傳。累遷駕部中大夫。司馭中大夫。刊本司訛大。據北史改。

賀若敦傳。代人也。案代人。北史作河南洛陽人。又從河內公獨孤信于洛陽。刊本脫公字。據本紀及北史增。

卷三十

李穆傳。進爵武安郡公。刊本武安二字互倒。據北史改。

卷三十一

韋孝寬傳。火氣一衝。咸即灼爛。刊本火訛吹。據北史改。

卷三十三

王悅傳。防及于謹伐江陵令。悅從軍展效。刊本令訛平。據北史改。

卷三十八

柳蚪傳。舊京荒廢。人物罕存。刊本存訛極。據北史改。

卷三十九

杜杲傳。入爲司會上士。刊本會訛命。據北史改。

卷四十

王軌傳。大象元年。常令內史杜虔信就徐州殺軌。刊本象訛歷。據本紀改。

卷四十一

庾信傳。追爲此賦。聊以記言。刊本爲訛惟。又旣姦回之曩匿。終不悅于仁人。刊本曩訛曩。並據監本改。

史臣論。纂遺文于旣喪。刊本文訛變。據毛本改。

卷四十四

史臣論。蹈之則爲君子。背之則爲小人。刊本蹈訛作。據北史改。

卷四十八

蕭管傳。苦口藥石。想勿余隱。刊本藥訛惡。據北史改。

卷四十九

高麗傳兩儀之間中土局而殊俗曠刊本殊訛庶據北史改。

卷五十

吐谷渾傳世傳青海驄者也刊本驄訛駿據北史改。

隋書唐長孫無忌等撰

目錄魯世達刊本世訛仲據本傳改。

許智藏刊本許訛劉據本傳及北史改。

卷二

高祖紀仁壽二年以邢州刺史侯莫陳穎爲桂州總管刊本邢訛荆據本傳改。

卷三

煬帝紀市令陽慧朗案陽北史作湯又刑法監徐析案析南史作哲並與此異。

卷四

三令五申必勝而後戰刊本三訛先據監本改。

史臣論紅腐之粟刊本粟訛衆今改。

卷六

禮儀志東海淮水泗水。刊本東海二字訛在淮水下。據監本改。

卷七

愚謂祭日之晨。宜使太尉先行裸獻。刊本晨訛辰。據毛本改。
從三品以下皆祀五世。刊本五訛而。據毛本改。

後齊立太社帝社太稷三壇於國右。刊本右訛方。據毛本改。

又移籍田於建康。刊本移訛於。據毛本改。

其典大抵多依晉儀。刊本儀訛議。據毛本改。

卷八

請依梁儀稱諡以傳無窮。刊本請訛謂。今改。

謂至親莽斷。加隆。故再莽而再周之。喪斷二十五日。刊本隆訛降。據禮記改。

謂宜準公子爲母麻衣之制。刊本準訛唯。據監本改。

後言小功之未可以冠子嫁子。刊本後言訛故有。據監本毛本改。

大將亞將等各就牙帳。刊本等各訛各一。據監本毛本改。

侍臣皆赤幘。刊本皆訛背。據監本改。

卷九

但絳衣者亦得入觀。刊本入訛人。據監本改。
明石惡與長子同名。刊本與訛於。據毛本改。

卷十

旗畫青龍。刊本旗訛旃。據毛本改。

諸男自篆輅而下。如諸子之旗。刊本篆訛象。據毛本改。

有戎輅之萃。廣車之萃。闕車之萃。輕車之萃。刊本萃並訛革。據毛本改。又考周禮車僕文闕車之萃下有
革車之萃四字。此脫。

卷十一

但既預齋祭。不容同於在朝。刊本於在二字互倒。據毛本改。

尚書秘書著作掌書。刊本著訛署。據監本改。

加雙蠟尾豎插兩邊。故以名焉。刊本插訛押。據監本改。

長冠漆纜爲之制如版。刊本如訛加。據監本改。

尚書令僕射尚書幘收方三寸。刊本令訛介。據監本改。

其未冠則空頂。刊本頂訛項。據毛本改。

公孤卿大夫之弔服。刊本孤訛卿。據監本改。

卷十二

琇纒塞耳以蔽聰也。刊本聰訛聽。據監本及大戴禮改。
楚莊王冠通梁組纓。刊本纓訛縷。據毛本及淮南子改。
五品墨綬二采青紺純紺質。刊本下紺字訛純。據毛本改。
其牀上施旋機弩。刊本旋訛璇。據監本改。又槌擊兩磬以知所警。名爲擊警。刊本下警字訛磬。據毛本改。

卷十三

音樂志。帝嚳曰五英。帝顓頊曰六莖。刊本五六二字互訛。據漢書改。
所次皆如北面。刊本北訛此。據監本毛本改。
禋雅一曲四言注。就埋。刊本埋訛燎。據毛本改。
太常卿周宏讓奏曰。刊本常訛帝。據監本改。
皇帝出之及升座皆奏皇雅。刊本奏訛雅。據毛本改。
考證。苻洪世爲西戎酋長。刊本西訛四。據晉書載記改。

卷十四

賓朝荒夏。刊本荒訛皇。據監本毛本改。

漢雉子班改名聖道洽。刊本雉訛稚。據樂府解題改。

平荆州。大獲梁民樂器。以屬有司。刊本梁訛樂。據監本毛本改。

本改。

又拜社以大獲降神。刊本社訛社。據監

以火爲官。刊本官訛宮。據郭茂倩樂府改。

王業茂前尊。刊本尊訛樽。據監本及梅鼎祚古樂苑改。

小鼓中鳴。刊本中訛鍾。據監本改。

琵琶絃柱相引爲均。刊本引訛飲。據監本改。又七音六律以奏五聲。刊本奏訛奉。據通典改。

卷十五

典樂使郭瓊宋識造正德大豫之舞。刊本瓊訛夏。據監本通典改。又箱別各有祝敵。刊本各訛冬。據監

本改。又間歌合樂。是燕飲之事矣。刊本飲訛餘。據毛本改。又今據尙書直云干羽禮。又稱羽籥干

戚。刊本又訛文。今改。

神之臨。慶陰陰。刊本下陰字訛陽。據監本及樂府詩集改。

含櫻薦實。刊本含訛舍。今改。

福流京室。刊本京訛景。據毛本改。

卷十六

律厯志因遣協律郎祖孝孫就受其法。刊本受其二字互倒。又故五音用火尺。刊本音訛行。並據監本改。

唯陳留阮咸譏其聲高。刊本陳訛東。據晉書改。

凡一千五百六十二寸半。方尺而圓。刊本尺訛寸。據毛本改。又實其倫。刊本倫訛籥。今改。積一千一百八寸五分七釐三毫九秒。刊本寸訛十。據監本改。

卷十七

事跡糾紛。未能詳記。刊本未訛宋。據毛本改。

厯餘一十六萬八百三十。案一監本作二。

陰陽厯一十三餘十一萬二百六十三。案毛本餘下無十字。與此異。

行八十九度。注盡七十九日同。刊本日訛十。據毛本改。

推入交法。以會通去。以朔望差乘之。刊本去訛云。據監本改。

推日食四時術。十二以上。加四十八。刊本以上訛時。以據監本改。

卷十八

月氣十一月。注大雪節冬至中。刊本脫中字。據監本增。

鷓旦鳴。案月令作鷓旦不鳴。與此異。

晨見伏三百二十七日。刊本百訛日。今改。
入虛去分。逆出先加。刊本先訛光。據監本改。

卷十九

天文志。煬帝又遣官人四十人。就太史局。刊本官訛宮。據毛本改。

蓋由於平子渾儀及地儀動之有驗故也。刊本平子二字互倒。據毛本改。

祛今賢之巨惑。稽往哲之羣疑。刊本哲訛誓。據監本毛本改。

東之四星曰漸臺。刊本之訛足。據監本改。

主軍位爲營壘也。刊本壘訛壅。據毛本改。

凡五星分天之中。積於東方中國。刊本積訛則。據監本改。

雜妖。刊本雜訛離。據監本改。

已前三十五星。卽五行之氣所生。刊本星訛里。據監本改。

卷二十一

白氣粉沸。起如樓狀。其下必有藏兵萬人。刊本萬人訛無考。據毛本改。

氣色青黃。更相掩覆。刊本黃訛考。據毛本改。

渭水氣如狼白尾。刊本渭訛滑。又杓雲如繩。刊本杓訛灼。並據晉書改。

卷二十二

五行志。周則陽武之魚乘空而鬪。刊本乘訛集。據毛本改。
江陵之敗。闔城爲賊隸焉。刊本賊訛賤。據監本改。

卷二十三

是歲盜殺東莞琅琊二郡守。刊本脫守字。據監本增。
三年爲西魏所滅。刊本脫滅字。據監本增。
聞善不及茲。謂不知。刊本下不字。訛有。據監本改。
主後王立而祚終之應也。刊本祚訛作。據監本改。
東魏武定元年。刊本定訛安。據監本改。

卷二十四

食貨志。京官文武月例。刊本例訛別。據通典改。
職事及百姓請墾田者名爲受田。案受通典作永業二字。
口七以上宅四畝。刊本七訛九。據通典改。

卷二十五

刑法志。錄冤屈。刊本屈訛局。據通典改。

二曰禁衛。三曰戶婚。刊本戶婚二字互倒。據通典改。偶拾取則擒以送官。刊本拾訛舍。據毛本改。

卷二十六

百官志。庶姓公府錄事記室。刊本姓訛政。據毛本及通典改。

酒庫丞柴署丞。刊本署訛庶。據毛本及通典改。又三品曹位。刊本曹訛蘊。

城爲二班。刊本全訛金。並據通典改。

卷二十七

長央中大夫三等。案中下。通典有散字。

侍御史。刊本史訛師。據毛本及通典改。

卷二十八

上署丞。刊本丞訛令。據通典改。

鹽池牧監丞。刊本池訛州。據通典改。

徵事郎。注正八品。刊本正訛從。據監本改。

卷二十九

地理志。北地郡。雕陰郡。注大業初。改爲上州。刊本大訛上。據監本改。

西成郡黃土注。西魏置涇陽郡。刊本涇訛涓。據魏書改。

臨洮郡和政。刊本和訛利。據監本改。

武都郡盤堤注。并立武陽郡及茄蘆縣。刊本立訛入。據通典改。

汶山郡汶山注。梁改爲北部都尉。刊本北訛化。據監本改。

臨邛郡名山注。改蒙山曰名山。刊本改訛開。又臨邛注有火井。刊本井訛并。並據監本改。

牂牁郡統縣二。刊本二訛三。據監本改。

卷三十

譙郡臨渙注。東魏析置白禪縣。刊本禪訛樺。據魏書改。

渤海郡樂陵注。十六年分置鬲津縣。刊本鬲訛南。據毛本改。

魏郡鄴注。後周平齊置相州。刊本周訛用。據毛本改。

馬邑郡神武注。郡有桑乾水。刊本水訛山。據毛本改。

趙郡大陸注。舊曰廣阿。置殷州。刊本殷訛敷。據毛本及通典改。

卷三十一

永熙郡瀧水注。改平原曰瀧水。羅陽縣爲正義。刊本羅訛維。據通典改。

卷三十二

經籍志以授族子始昌。刊本子訛之。據毛本改。

葉詩二十卷。刊本葉訛業。據唐書志改。

喪服經傳義疏一卷。注。梁尙書何休之撰。刊本撰下衍亡字。據監本毛本刪。

春秋三傳評十卷。刊本三訛二。又右一百四部。刊本一百四訛九十七。並據監本改。

三蒼三卷。注。後漢郎中賈魴作滂喜篇。刊本魴訛訪。據唐書志改。

卷三十三

梁後略十卷。注。姚最撰。刊本最訛勗。據毛本及唐藝文志改。

秦記十一卷。注。席惠明。注。案席唐志作杜。

卷三十四

韓子二十卷。注。梁有晁氏新書三卷。刊本晁訛韓。據唐志改。

開皇年七曜厓一卷。刊本年字訛在曜字下。又右一百八部。刊本脫八字。據監本改增。

醫方論七卷。注。徐叔嚮談道術。刊本術訛述。據監本改。

卷三十五

後漢河間相張衡集十一卷。刊本脫相字。據毛本增。

晉國子博士周祇集十一卷。刊本脫子字。據毛本增。

華言譯之爲淨覺。刊本淨訛淨。又其所宣譯無大名部可爲法門者。刊本法訛沙。並據毛本改。

卷三十八

盧賁傳。斯實冥數相符。非關人事。刊本冥訛名。據監本改。

卷四十

梁士彥傳。別破廣陵略定淮南地。刊本廣訛黃。據監本毛本改。
宇文忻傳。忻旣佐命功臣。頻經將領。刊本頻訛類。據監本毛本改。

卷四十一

高頴傳。復謂觀德王雄曰。刊本脫德字。據監本增。

卷四十三

河間王弘傳。高祖詣周趙元宅。案元監本作王。

卷四十四

衛昭王爽傳。步騎十萬出合州。刊本州訛川。據監本改。

卷四十八

楊素傳。十郡太守。刊本十訛萬。據毛本改。

卷四十九

牛宏傳。朝章國典從而失墜。刊本國訛關。據監本改。又南北七筵。刊本北訛面。據毛本及考工記改。

卷五十二

元孝矩傳。其後周太祖為兄子晉公護娶孝矩妹為妻。刊本祖訛子。據監本改。

卷五十三

史萬歲傳。每與同行輒入突厥數百里。刊本入訛久。據監本及北史改。

卷六十二

于仲文傳。從帝討吐谷渾。進位光祿大夫。刊本後訛從。據毛本改。

卷六十三

王韶傳。靈幽等十州刺史。案幽監本作幽。與此異。

卷六十四

史祥傳。乃簡精銳於下流潛渡。公理率衆拒之。案率衆拒之下。毛本有至須水兩軍相對。公理未成列祥

縱擊大破之。十八字。此脫。

元壽傳。奏請遣子世略暫往江南。刊本往訛住。據監本改。

楊義臣傳。父崇仕周為儀同大將軍。以兵鎮恆山。時高祖甚親待之。案毛本恆山下有高祖為定州總管

崇知高祖相貌非常。每自結納十九字。又編之屬籍。為皇從孫。刊本從訛太。據毛本改。



卷六十四

王辯傳。於是鳴角收兵。翻爲密徒所乘。刊本徒訛走。據監本改。

卷六十五

李景傳。與宇文述等叅掌選舉。刊本掌訛軍。據毛本改。

卷六十六

鮑宏傳。帝嘗問宏取齊之策。刊本問訛聞。據監本改。

卷六十七

虞世基傳。覆天弧而並張。刊本天訛矢。據監本改。

裴矩傳。祖他魏都官尙書。刊本都訛郡。據毛本改。又以矩爲侍內史。刊本脫史字。今增。

卷六十八

宇文愷傳。楊素言愷有巧思。上然之。於是檢校將作大匠。案檢校。監本作超授。與此異。

何稠傳。明年攝左屯衛將軍。刊本明訛期。據監本改。又授將作少匠。刊本少訛小。據監本毛本改。

卷六十九

王劭傳。五月。負之從東北來立。刊本負訛貧。據監本改。

卷七十

楊玄感傳。其父每謂所親曰。刊本每訛母。據監本改。
李密傳。守將鄭頰爲其部下所殺。刊本脫殺字。據監本增。

卷七十一

皇甫誕傳。諒用諮議王頰之謀。刊本頰訛頗。據漢王諒本傳改。
松贊傳。贈朝散大夫本郡通守。刊本郡訛部。據監本改。

卷七十二

薛濬傳。於時隆冬極寒。刊本寒訛塞。據監本改。

卷七十三

王伽傳。流人感悅。依期而至。刊本人訛八。據監本改。

卷七十四

庫狄士文傳。得千餘人而奏之。刊本奏訛表。據毛本改。

崔弘度傳。年十七。刊本脫年字。據毛本增。又由是降爵一等爲武鄉郡公。刊本爵訛下。據監本毛本改。

卷七十五

儒林傳序。師說紛綸。無所取正。刊本無所二字互倒。據監本改。

蘭陵蕭該。刊本陵訛陸。據北史改。

劉炫傳。吏部尚書韋世康。刊本康訛惠。據監本毛本改。

張冲傳。前漢書音義十三卷。刊本脫音字。據毛本增。

卷七十六

文學傳序。塗窮壅闕之士。刊本壅闕作後門。監本作後闕。俱非。攷列子楊朱篇。勿雍而闕。漢書景十三王傳。今臣雍闕不以上聞。今據改。

虞綽傳。帝嘗問綽於穎。刊本復衍帝字。據監本刪。

潘徽傳。不知以敬爲輕。竟何所據。刊本據訛豫。又建韜載旗。用天子之禮樂。刊本旂訛旅。並據監本改。

卷七十八

藝術傳序。自三五哲王其所由來久矣。刊本久訛者。據毛本改。

韋鼎傳。轉臨海王長史。行吳興郡事。刊本行吳二字互倒。據監本改。

萬寶常傳。取其所著書而焚之。曰。何用此爲。刊本此訛也。據監本改。

卷八十

鄭善果母傳。且鄭君雖死。幸有此兒。刊本鄭訛郡。據毛本改。

卷八十一

高麗傳。高祖受禪。湯復遣使詣闕。刊本復訛後。據監本毛本改。

韃鞬傳其七曰白山部刊本山訛水據監本改

卷八十二

眞臘傳王著朝霞吉貝刊本吉訛古據毛本改

卷八十四

西突厥傳令其弟達度關牧畜會寧郡案達度關通典作闕達設與此異

卷八十五

宇文化及傳又遣使拷掠東郡吏民以責米粟刊本郡訛部據監本改

南史唐李廷壽撰

卷二

宋本紀中魏太武欲渡江都下震懼咸荷擔而立刊本咸訛成今改

卷四

齊本紀上公忠誠慷慨刊本誠訛議據監本改又遣兼太保司空褚彥回刊本遣訛遺今改

卷十六

王玄謨傳聞因敗爲成刊本成訛誠據監本改又徙青冀二州刺史刊本史訛州又玄載傳封鄂縣

子刊本封訛對今並改。

卷十九

謝晦傳文帝誅羨之等及晦子世休收。矚子世平刊本下子世二字互倒。據監本改。

卷二十

謝淪傳待上人者難爲訓對。刊本訓訛訓今改。

卷二十一

王僧祐傳稍遷首安王文學。而陳郡袁利爲友。時人以爲妙選。刊本袁訛哀。時訛詩。並據監本改。

卷二十二

王僧綽傳及給臧燾亦頻遇禍。故世稱凶地。刊本燾訛壽。今改。

卷二十三

王球傳傾動內外。刊本傾訛領。據監本改。

卷二十四

王晏傳晏醉。刊本醉訛辭。又未幾而敗。刊本敗訛散。並據監本改。

卷二十六

袁淑傳望相與戮力。刊本力訛乃。今改。

袁粲傳。今日當與諸護軍同死。刊本今訛命。今改。

卷三十二

張融傳。意謂雖故猶勝新也。刊本新訛所。據監本改。

卷三十四

顏延之傳。宜令思衍里閭。刊本衍訛愆。今改。

卷三十七

沈昭略傳。茹法珍等進藥酒。刊本法訛汝。又時人歎其累世孝義。刊本歎訛歡。今並改。

卷三十八

柳世隆傳。上手詔司徒褚彥回。刊本手訛子。據監本改。

柳忱傳。及梁受命。封州陵伯。刊本封訛對。今改。

卷四十

鄧琬傳。仍停廣州。刊本停訛亭。今改。

卷四十一

始安王遙光傳。勅都下領軍蕭坦之屯湘宮寺。刊本勅訛救。今改。

卷四十四

竟陵文宣王子良傳。屯太極西階之下。刊本極訛殿。據監本改。

卷四十六

周盤龍傳。盤龍時爲宄從僕射。刊本時訛始。今改。

卷四十八

陸杲傳。以其臨路不咎問。刊本問訛間。據監本改。

卷五十一

吳平侯勵傳。有一老姥以槃槃鱖魚。刊本槃訛警。今改。

梁文帝十男傳。費太妃生鄱陽忠烈王恢。刊本妃訛后。今改。

卷五十五

夏侯夔傳。及郢州刺史元顯達降。刊本顯訛願。據監本改。

卷五十七

沈約傳。出作邊州刺史。刊本作訛則。據監本改。又中使譴責者數焉。刊本譴訛遣。今改。

卷五十九

任昉傳。出爲義興太守。刊本義訛宜。據監本改。

卷六十

徐勉傳。豈若緩其告歛之辰。刊本若訛不。據梁書改。

卷六十二

徐陵傳。目有青睛。刊本睛訛精。據陳書改。

卷六十三

王神念傳。使宮人晝夜連臂蹋足歌之。刊本足訛蹄。據梁書改。

卷六十五

陳宣帝四十二男傳。劉姬生監江王。刊本江訛海。據監本及陳書改。
考證。叔林有部下兵先在新林。刊本先訛生。據本傳改。

卷六十六

淳于量傳。乃以量爲都督水陸諸軍事。刊本量訛異。據監本改。

卷六十七

周昞傳。封西陵縣伯。刊本陵訛陽。據監本及陳書改。

卷六十九

虞寄傳。翻然異計。刊本然訛于。據監本改。又繫馬埋輪。刊本繫訛擊。據陳書改。又子尙王姬。刊本子訛于。據監本改。

卷七十

何遠傳。歲暮擇人尤貧者免其租調。刊本免訛充。據監本改。

郭祖深傳。以衆役多投其募。刊本役投二字互訛。又食不過一肉。刊本過訛敢。並據監本改。

卷七十一

張譏傳。譏與弘正論議。刊本與訛於。今改。

卷七十三

郭原平傳。塋曠凶功。不欲假人。刊本塋訛心。據監本改。

卷七十七

阮佃夫傳。重安縣子俞道隆。刊本俞訛命。又佃夫常作數十人饌以待賓客。刊本十訛千。並據監本改。

卷七十八

槃槃國傳。詹檀等香。刊本檀訛糖。據監本改。

周廸傳。遣都督程靈洗破之。刊本程訛陳。據監本改。

四庫全書考證卷二十七

史部

北史

舊唐書

唐書

新唐書糾謬



北史唐李延壽撰

目錄

昭成皇后慕容氏刊本成訛文據傳改。

吉陽男比干注西河公敦刊本河訛江據傳改。

卷一

魏道武帝本紀登國十年帝破慕容寶於俘虜中擢賈彝賈閏等參謀議刊本賈訛買今改。

卷二

太武皇帝神麤二年帝自安定還刊本定訛西據上文改。

四年拜河西王沮渠蒙遜爲假節加侍中都督涼州刊本河西二字互倒今改。

太平眞君六年征西大將軍高涼王那等討吐谷渾破之中山公杜豐追之刊本脫下之字據魏書增。
獻文皇帝天安元年春正月己丑朔刊本己訛乙據通鑑及魏書改。

卷三

孝文皇帝延興二年四月討吐谷渾什寅刊本什訛拾今改。

太和元年四月京師旱禳天災於苑北刊本禳訛祈今改。

五年鄧至蠕蠕等國並遣使朝貢。刊本脫等字。據監本增。

十五年自正月不雨。至於癸酉。有司奏祈百神。詔曰。何宜四氣未周。便行禮事。刊本便訛使。據監本改。

卷五

孝莊皇帝永安元年九月。以城陽王徽爲司徒。刊本徽訛徵。今改。

三年十月。通直散騎常侍李苗。以火船焚河橋。刊本苗訛留。今改。

節閔皇帝普泰二年。從崔悽議廢帝。而立平陽王修。刊本悽訛陵。據魏書改。

文皇帝大統元年九月。有司請煎御香澤。刊本請訛詔。今改。

考證

侯深。魏書作崔淵。案侯淵傳爾朱榮啓淵爲燕州刺史。又云。元顥入洛。留淵獨鎮中山。又云。榮令淵進

討韓樓。與此相合。蓋淵字係唐諱。崔字乃魏書之訛也。今改。

卷六

齊高祖神武皇帝本紀。神武嘗遇一老婦人。自言善暗相。徧捫諸人。刊本徧訛徧。今改。

天平元年。魏帝勅神武曰。王若厭服人情。杜絕物議。唯有歸河東之兵。罷建興之戍。刊本戍訛戎。又脫

須糧廩別遣轉輸。則讒人結舌。刊本脫訛朕。並據北齊書改。

卷七

又宣皇帝三年二月。蠕蠕主阿那瓌殺其從弟登。注。俟利。刊本利訛刑。今改。
十年。光州獻九尾狐。高隆之進謁曰。用此何爲。帝作色曰。我自作事。若欲滅族耶。刊本脫下作字。據監本增。

卷八

武成皇帝河清三年。周軍三道並出。使其將尉遲迴寇洛陽。刊本脫遲字。案魏太和中。詔改代北復姓。于是尉遲氏爲尉氏。大統中。又令改姓者皆復其舊。代北自有尉姓。齊書尉景傳。秦漢置尉候官。其先有居此職者。因以氏焉。則知尉古真尉元之尉。與尉遲迴尉遲綱之尉。自不可混。今俱改正。

後主天統三年六月。太上皇帝詔封皇子仁統爲丹陽王。刊本脫仁字。據北齊書增。又十月突厥大莫婁室韋等國各遣使朝貢。刊本室訛宰。今改。

武平元年十二月。詔左丞相斛律光出晉州道修城戍。案是年二月以太傅咸陽王斛律光爲右丞相。二年十一月以右丞相斛律光爲左丞相。則是時乃右丞相耳。此及齊書並訛。

卷九

周文皇帝本紀。大統四年。于伏德保咸陽。與太守慕容思慶各收降卒以拒。刊本慶訛度。據周書改。下同。廢帝元年。梁州刺史宜豐侯蕭循以州降。刊本循訛修。據周書改。

元年正月。天王卽位。以大司徒趙郡公李弼爲太師。刊本公訛王。據周書李弼傳改。又三月省六府士

員三分之一。刊本三訛二。據周書改。

卷十

武皇帝本紀。保定五年。詔公私奴婢年七十以外者。所在官司宜贖爲庶人。刊本司訛私。據周書改。
建德三年五月。葬文宣后。詔曰。軍國務重。庶自聽朝。刊本自訛有。據周書改。

六年正月。帝帥諸軍圍鄴。遂平鄴。刊本脫下鄴字。據監本增。又關東平。合州郡戶三百三十萬。刊本脫三百二字。據周書增。

靜皇帝本紀上。天元太皇后楊氏爲皇太后。刊本脫楊氏二字。據周書增。

卷十一

隋文皇帝仁壽三年十二月。河南諸州水。刊本脫水字。據隋書增。

卷十二

煬皇帝本紀。大業三年。詔輜戈偃武。刊本武訛伯。據隋書改。

八年。詔第十軍可東嚙道。刊本嚙訛臙。據漢書地理志改。又上御師甲午臨戎于遼水橋。又甲午車駕

度遼。案三月以後。五月以前。不應有兩甲午。今隋書並同。通鑑考異曰。是月庚辰朔。戊戌之下。不容有

甲午乙未。此必誤也。又五月納言楊達卒。于時諸將各奉旨。不敢赴機。刊本赴訛越。據通志改。

九年十二月甲申。刊本甲訛辰。據隋書改。

十年正月詔百寮議伐高麗。數日無敢言者。刊本敢訛。故今改。
十三年。課天下分道市戎馬。富室坐是而凍餒者。十家而九。刊本戎訛武。室訛強。並據通志改。
史臣論越裳重譯。刊本裳訛常。今改。

卷十三

孝文廢皇后傳。昭儀自以年長。素見待念。刊本待訛侍。據魏書改。

宣武靈皇后胡氏傳。都統僧敬諫曰。陛下母儀萬國。豈宜輕脫如此。后大怒。刊本脫后字。又遂立臨洮

王子釗爲主。年始三歲。刊本三下衍二字。並據魏書增刪。

文帝悼皇后郁久閭氏傳。我未見魏主故蠕蠕女也。刊本脫未字。據魏書增。

卷十四

文宣皇后叱奴氏。案周書作文帝皇后。此因齊文宣而訛。前目錄並同。

武成皇后阿史那氏。案周書作武帝皇后。此因齊武成而訛。前目錄並同。

武帝司馬皇后傳。使宮官伺帝政有所失。隨時匡諫。刊本時訛則。今改。

論其餘作孽爲青。刊本青訛責。今改。

卷十五

高涼王孤平傳。臣旣見此。深爲怪愕。旋省二三。未解所以。刊本旋訛旅。據魏書改。又晉文陽傳。瑕傳。案

此語不可解。魏書于陽字下有闕文。此當注闕字。

文安公泥傳。會稽公劉絜。刊本脫公字。又屈子磨渾與叔孫俊詐云。明元所在。刊本脫俊字。並據魏書增。

常山王遵傳。尉遲迴伐蜀。以偉爲司錄。書檄文記皆偉所爲。刊本記訛言。又謠言秦州河東杼柚代春。刊本秦訛泰。據魏書地形志改。

卷十六

陽平王熙傳。厲王子景隆景仲。刊本脫景隆二字。據魏書增。

樂平王丕傳。時中書侍郎高允參不軍事。刊本允訛元。據魏書改。

臨淮王譚傳。雖祭則魏主。而權歸首室。刊本權訛勸。又而百家爲於四閭。案通志作而于百家爲四閭。

又孟都潘紹等數百人。刊本脫孟字。據魏書增。

廣陽王建傳。臺使劉審考覈未訖。刊本脫考字。又審馳驛還京。刊本馳訛驅。並據魏書增改。

考證

沮渠下。魏書有無疾二字。案通志復降沮渠無諱薨。然則疾當作諱。魏書無疾二字。亦衍文也。

卷十七

陽平王新成傳。宣武景明元年。刊本脫元字。據魏書增。

京兆王子推傳。布施沙門。名曰散生齋。齋後有一沙門方至。刊本至訛云。據通志改。又冀州沙門法慶。既爲祲幻。勃海人李歸伯從之。詔討破之。斬法慶。後擒歸伯。刊本脫後擒歸伯四字。據魏書增。汝陰王天賜傳。百姓爲人所謗。不付法司。旋即放免。刊本旋訛懸。據通志改。

卷十八

任城王雲傳。雲子澄奏高陽王臣雍酷害朝野云云。咸懷驚愕。刊本懷驚二字互倒。據魏書改。南安王楨傳。楨子英將取三關。策之曰。若克一關。則二關不待攻而定。刊本則訛而今改。

城陽王長壽傳。長壽孫徽爲吏部尙書。以選舉法限以停年。有乖舊體。乃以德同者書年。勞等者進德。刊本書訛。據通志改。

安定王休傳。休次子燮除華州刺史表。以馮翊古城。樵牧饒廣。採材華陰。陸運七日。刊本日訛十。又丁不千錢之費。人無八旬之勤。刊本千訛十。並據通志改。

卷十九

彭城王勰傳。莊帝卽位。遷神主於太廟。節閔帝時。去其神主。刊本節閔二字互倒。據魏書帝紀改。又勰孫韶臨人有惠政。刊本惠訛慧。今改。

清河王懌傳。聞懌之喪。爲之髡面者數百人。刊本髡訛劈。今改。

考證

北海王詳傳刊本詳訛祥今改。

卷二十

穆崇傳崇孫泰謀推陽平王贖爲主帝遣任城王澄討之澄先遣治書侍御史李煥單騎入代刊本沿唐諱刪治字今增。

閻大肥傳賜爵期思子刊本期訛其據魏書地形志改。

卷二十一

崔浩傳道武以其工書常置左右刊本工訛上。又賜浩縹醪酒十斛案魏書斛作觚與此異。又議擊蠕蠕唯浩讚成之天師謂浩曰是行可果克乎刊本脫克字據魏書增。又欲遣司馬楚之等令誘引邊人浩曰非上策也楚之之徒爲彼所忌刊本之徒訛人徒據通志改。又帝將討牧犍浩曰天災地變都在秦涼誠滅亡之國也刊本誠訛成脫亡字據通志改增。

卷二十二

長孫嵩傳嵩與建等自成臯南濟刊本成訛城今改。

長孫道生傳從征蠕蠕出白黑兩漠間刊本漠訛漢據魏書改。又正平蜀郡反假承業鎮西將軍討之。

刊本蜀郡二字互倒據通志改。

考證

長孫嵩傳刊本長訛張今改。

卷二十三

于栗磾傳六世孫謹小名巨彌刊本彌訛引據魏書及通志改。又廣陽王元深北伐至析郭嶺案郭一作敷。又悉收也列河之衆刊本悉下衍破字據通志刪。又隨廣陽王征鮮于修禮軍次白斗牛邏案周書無斗字。

卷二十四

王晞傳頓丘李虔案虔一作度。

卷二十五

劉潔傳又潔矯詔事發刊本脫詔字據魏書增。

陳建傳建與晉陽侯元祉德案祉一作仙。

卷二十六

宋翻傳翻爲河陽令內監楊小駒不遜翻命取彌尾青以鎖之刊本脫彌字據通志增。

韋子粲傳文宗文英並知名刊本闕英字據通志補。

杜銓傳又試官人有奇器賦刊本闕賦字據通志補。又時射策甲第者合奏曹司難爲別奏抑爲乙科。

刊本別訛爲今改。

卷二十七

李訢傳。豈唯予咎。抑亦師傅之不勤。刊本予訛子。今改。
唐和傳。和字幼起。晉昌宜安人也。刊本昌訛西。據魏書改。
韓秀傳。秀字白武。案白一本作伯。

卷二十八

陸騰傳。涪陵郡守。蒯休祖阻兵爲亂。刊本蒯訛蘭。據周書改。
陸叡傳。薛氏寘書妻元氏。案通志無書字。
源賀傳。賀次子懷。懷子直寢徵。案徵一本作徽。又懷子子邕。新平黑城。賊帥康維摩守鋸谷。斷紹甄棠橋。案魏書無紹字。通志紹作絕。

卷二十九

司馬楚之傳。楚之。晉宣帝弟太常胤之八世孫也。刊本脫帝字。據魏書增。
蕭正表傳。侯景渡江攻揚州。盤桓不赴。刊本脫江字。據魏書增。
蕭祇傳。祇卒。有二慈烏來集廬室前。家人伺之。未嘗有闕。刊本伺訛則。今改。
蕭攜傳。累遷巴西梓潼二郡守。刊本巴上行東字。據周書刪。
蕭大圓傳。梁天寶元年。封樂良郡王。刊本良訛梁。據南史及魏地形志改。

盧昶傳。謁者張恩寧辭氣謬。刊本謬訛愕。今改。又羊祉子變爲昶司馬。刊本社訛社。據魏書改。

盧潛傳。詔王長春爲南討都督。長春乃與皮景和擁衆十萬於淮北。刊本與皮二字訛之。據通志改。

盧文偉傳。李祖勳嘗宴諸文士。齊文宣使小黃門敕祖勳曰。何無賀表。刊本曰上衍母字。今刪。

盧同傳。亦列名貫別錄歷階。刊本作亦列官名曹別錄歷。據通志改。

盧景裕傳。甚見親遇。刊本甚訛其。今改。

盧辯傳。諫議大夫。刊本諫訛建。又諮議大夫。刊本諮訛誠。並據通典改。又戶一萬以上郡守。案周書

句下有大呼藥三字。又大呼藥。案周書作小呼藥。通志同。又五命。刊本五訛七。今改。又宣威將

軍上。通典有宣武將軍四字。又戶二千以上縣令。案二通典作三通志同。又積弩司馬。案周書無

此四字。又武騎司馬。案周書無此四字。

考證

湛。監本訛謀。今從上文曾祖湛句改正。案晉書盧志子諶字子諒。劉琨以爲從事中郎。則作諶者本不訛。而作湛者訛也。此誤改。

卷三十一

高乾傳。朝政空關。案齊書作罕所關。知此空字當是罕字之訛。又乾弟仲密妻預在行中。刊本預在訛

逆口據通志改。

卷三十二

崔仲方傳。上召仲方與高頴議正朔服色事。刊本頴訛穎。今改。

卷三十三

李謐傳。杜宇爲鷓鴣。刊本鴣訛鷓。今改。

卷三十四

高閭傳。若一夫一月之功。當三步之地。刊本三訛二。又歲常遊運。永不得匱。刊本匱訛遣。並據魏書改。

卷三十五

王劭傳。滎陽汁水北有龍鬪。案汁。隋書作汴。

卷三十七

崔延伯傳。蕭寶夤謂官屬曰。崔公古之關張也。刊本官訛宮。今改。

卷三十八

皇甫和傳。文宣以其忠實優容之。刊本忠訛恕。今改。

裴寬傳。寬與東魏將彭樂樂恂戰於新城。案周書少一樂字。

卷四十

甄琛傳。恒恐財不調國。刊本財訛才。據監本改。

卷四十一

楊播傳。帝與彭城王勰賭射。播曰。仰恃聖恩。庶幾必爭。於是箭中正。案箭中正。魏書作其箭正中。楊敷傳。敷子素嘗以五言詩七百字贈潘州刺史薛道衡。刊本潘訛番。據薛道衡傳改。

卷四十二

劉芳傳。王肅曰。此非劉石經耶。刊本耶訛也。據魏書改。

卷四十三

李崇傳。今水澗路通。便可繕甲積糧。刊本便訛使。據監本改。

卷四十四

崔光傳。伯姬待姆。安就炎燎。樊姜俟命。忍赴洪流。刊本俟訛侯。又前王猶爲至誠。刊本誠訛誠。並據魏書改。

卷四十五

裴叔業傳。自餘部衆且付城外。刊本外訛人。據魏書改。又梁將曹景宗寇荊州。刊本景訛敬。今改。夏侯遷傳。先是仇池鎮將楊靈珍反叛。刊本楊訛陽。今改。

卷四十六

成淹傳。伏聞發洛以來。諸有諫者。解官奪職。刊本洛訛落。今改。

卷四十七

袁翻傳。鄭康成之詁訓三禮及釋五經異義。並盡思窮神。案鄭康成有駁五經異義。此釋字誤。
祖珽傳。文宣付從事中郎王士雅推檢。刊本闕雅字。據齊書補。

卷四十八

爾朱榮傳。榮見臨淮王彧。固令爲勅勒儻。刊本勒訛勤。今改。又丞相司馬任胄等謀奉榮弟文暢。爲任

氏家客薛季孝所告。刊本薛訛薛。據齊書改。

卷五十

辛雄傳。凡在戎役數十萬人。刊本役訛殺。據毛本改。

綦儻傳。齊神武召文武百司下及士庶議所立。刊本神武二字互倒。今改。

卷五十一

王叡傳。有司備禮儀。就募拜授。刊本授訛受。今改。

上洛王思宗傳。童謠云。中興寺內白鳧翁。鳧翁謂雄雞。蓋指武成小字步落稽也。刊本成訛城。據上文改。
永安簡平王浚傳。謂博士盧景裕曰。刊本脫景字。據監本增。

卷五十二

河南康獻王孝瑜傳。孝瑜言趙郡王父死非命不可親。刊本可下衍而字。據齊書刪。
安德王延宗傳。延宗擊敗周軍。周武帝左右略盡。以崎嶇僅得出。齊人奮擊幾中馬。案齊書無以字。又馬作焉。

琅邪王儼傳。帝拔儼帶刀。亂築辮頭。刊本辮訛辯。又帝忌琅邪王。以食舉密迎祖珽問之。刊本珽訛班。今並改。

卷五十三

慕容儼傳。天統四年。別封猗氏縣公。刊本猗訛寄。據齊書改。

潘樂傳。周文遣侯莫陳崇自齊子嶺趨軹關。刊本脫自字。又儀同楊標從鼓鐘道出建州。刊本建訛劍。並據齊書增改。

卷五十四

司馬消難傳。驛召上黨王渙。刊本渙訛煥。據神武諸子傳改。
斛律羨傳。聞者服其言。刊本言訛官。據毛本改。

卷五十五

杜弼傳。遷光州曲城令。刊本光訛先。據齊書及魏地形志改。

卷五十六

魏收傳起除清都尹刊本都訛郡據魏地形志改。
魏長賢傳不能勒成一家潤色洪業刊本勒訛勤今改。

卷五十七

邵惠公顥傳顥子護諫帝召李植等帝猶猜之刊本脫之字。又至是護令安因進食加毒刊本因上行
自字並據周書增刪。又護母與護書云吾與汝六人同被禽捉入定城未幾間將吾及汝送與元寶
掌刊本間訛聞。又是年突厥復率衆赴期刊本期訛朝並據周書改。
叱羅協傳以協爲治書侍御史刊本脫治字今增。

卷五十八

代曇王達傳所管澧州刺史蔡澤贖貨被訟刊本澧訛禮據周書改。
論悠悠邃古未聞茲酷刊本邃訛遂今改。

卷五十九

寇洛傳改封松陽郡公刊本陽訛楊今改。
趙善傳雖位居端右而愈自謙退刊本位訛未據監本改。
梁睿傳睿字持德刊本持訛特據毛本改。

卷六十

李弼傳。弼薨。給大路龍旂。刊本給訛結。今改。

李密傳。密知化及糧盡。僞與之和。恣其兵食。刊本食訛貪。據毛本改。

王雄傳。孝武西遷。封雄臨真縣伯。刊本孝訛少。據毛本改。

卷六十一

王盟傳。父巖。伏波將軍。刊本巖訛罷。據毛本改。

獨孤善傳。以父勳。封魏寧縣公。刊本勳上行。封字。據周書刪。

竇榮定傳。總統露門內兩廂仗衛。刊本露訛靈。據隋書改。

閻慶傳。詔慶第十二子。毘尚帝女清都公主。刊本都訛郡。據毛本改。

權景宣傳。進授使持節車騎大將軍。刊本節訛等。今改。

卷六十二

王巖傳。此城是王巖冢。刊本冢訛家。據周書改。

王思政傳。乃割衣裹創。扶思政上馬。刊本裹訛裹。又思政並讓不受。刊本受訛授。今並改。

尉遲迴傳。于時趙王昭已入朝。刊本朝訛昭。今改。

卷六十三

蘇綽傳。襲惟武考。不實其舊。刊本襲訛襲。武考訛孝武。又后弗艱厥后。臣弗艱厥臣。政于何勿斃。刊本

黻訛釋。又綏我蒼生。旁施于九土。刊本土訛正。並據周書改。又禮俗之變。一文一質。刊本禮訛體。據毛本改。

蘇威傳。安繁戀劇。刊本劇訛處。今改。又煬帝嗣位。上將大起長城之役。威諫止之。案隋書作煬帝嗣位。加上大將軍。

蘇椿傳。十四年置黨州鄉帥。刊本黨訛當帥訛師。據周書改。

卷六十四

韋壽傳。壽歷恒毛二州刺史。頗有能名。刊本毛訛尾。據隋書改。

韋叟傳。瞑目之日。勿違吾志也。刊本勿訛忽。今改。

韋瑱傳。以本官鎮蒲津關。帶中潭城主。刊本潭訛潭。今改。

卷六十五

辛威傳。拜大將軍。進爵枹罕郡公。刊本枹訛枹。今改。

卷六十六

李延孫傳。爲其長史楊伯蘭所害。刊本蘭訛闌。據周書改。

卷六十八

王雅傳。闡熙。新固人也。刊本固訛罔。據周書改。

考證

禽本名禽虎。刊本脫虎字。據本傳增。

一本作河陽。案洛陽不屬河陽。此別本訛。不足據。

卷六十九

王悅傳。性儉約。不營生業。刊本性訛往。今改。

趙文表傳。位御伯中大夫。刊本闕御字。據毛本改。

卷七十

韓褒傳。出鎮浙鄺。刊本浙訛浙。今改。

李彥傳。出爲鄺州刺史。刊本鄺訛鄺。據毛本改。

辛昂傳。時臨信楚合等諸州人庶多從逆。刊本逆訛送。今改。

論宗懷才辭幹局。見重梁元。刊本梁訛宋。據本傳改。

卷七十一

房陵王勇傳。皇后忿怒曰。覘地伐漸不可耐。刊本伐訛代。今改。

卷七十二

李德林傳。德林器量深沈。魏收陸昂大相欽重。刊本昂訛印。今改。

卷七十三

乞伏慧傳。總管三十一州諸軍事。刊本脫事字。據毛本增。

卷七十四

袁充傳。握綠圖而馭黔首。刊本綠訛錄。又先天罔違所欲。後天必奉其時。刊本欲訛以。並據監本改。

卷七十五

龐晃傳。復與高頴有隙。刊本頴訛穎。今改。

卷七十八

考證

河東武城人也。案本傳河上有清字。此脫誤。

卷七十九

宇文述傳。時鐵勒契弊歌稜。刊本稜訛秣。據毛本改。又述素好著奇服。刊本脫服字。據隋書增。又吾

輩家屬在西。刊本在訛正。今改。

王世充傳。法嗣乃上孔子閉房記。畫作丈夫。刊本文訛大。據隋書改。

卷八十

馮熙傳。字晉昌。刊本昌訛國。又熙遇疾。遣醫問。刊本醫訛監。並據魏書改。又將葬。贈假黃鉞。刊本鉞

訛金今改。又帝寵熙子誕。每與同輿而載。刊本每與二字訛仍作。據魏書改。
高肇傳。肇既無親族。頗結朋黨。刊本結訛給。今改。
胡國珍傳。孝明帝踐阼。刊本阼訛作。今改。

卷八十一

儒林傳序。袒割以食之。刊本袒訛祖。今改。

孫靈暉傳。惟默默憂悴。刊本悴訛綽。又靈暉子萬壽。仁壽初。拜豫章王長史。刊本衍一拜字。今並改刪。
邢峙傳。峙字士峻。河間鄭人也。刊本鄭訛鄭。今改。

卷八十二

樊深傳。子義綱。案周書本傳無此三字。隋書舊唐書經籍志俱作七經義綱二十九卷。樊文深撰。新唐書藝文志作義綱略論三十卷。此傳當元載七經義綱之書。後經訛脫。而又誤增子字耳。通志本傳依局書載義綱略論。并目錄三十一卷。下又云子義綱。則又沿此致誤也。
劉焯傳。周髀七曜。刊本曜訛躍。今改。

卷八十三

文苑傳序。區區河右。而學者埒於中原。刊本埒訛將。今改。

祖鴻勳傳。後城陽王徽奏鴻勳爲司徒。刊本城訛成。據魏書改。

王冑傳。帝嘗自東都還京師。刊本都訛宮。今改。

卷八十四

孝行傳序。周書列李棠、柳檜、杜叔、荆可、秦族等爲孝義傳。刊本秦訛奏。今改。
王頰傳。詞義鋒起。刊本鋒訛蜂。今改。

卷八十五

節義傳序。凡在立名之士。莫不庶幾焉。刊本幾訛度。今改。下同。
祖清傳。清襲祖爵。例降爲伯。刊本伯訛尉。據魏書改。

卷八十七

酷吏傳序。盧斐。刊本斐訛裴。今改。

卷八十九

劉靈助傳。從上黨王元天穆討邢杲入洛。刊本邢訛邪。據魏書改。
皇甫玉傳。文襄時有吳士雙。盲妙於聲。案齊書聲下有相字。

魏寧傳。今襄國治家所鑄。宿柔鋌是其遺法。刊本冶訛治。今改。

陸法和傳。耆老自幼見之。容色常不定。人莫能測也。刊本脫不字。又或謂出自嵩高。刊本出訛世。又
若得待明日。刊本待訛彼。又謂湘東王曰。刊本脫謂字。又有小弟子截蛇頭來詣法和。和曰。汝何

意殺蛇。刊本脫下蛇字。並據齊書改增。

卷九十

徐之才傳。盧元明戲之才云。卿姓未入人名。是字之誤。之當爲乏也。刊本字訛子。乏訛之。今改。又德正徑造坐席。刊本造訛送。又唐邕白建方貴之才蔑之。刊本蔑訛茂。並據齊書改。又和士開知之。刊本和下衍陽字。今刪。

王顯傳。封衛國縣伯。刊本衛訛魏。據魏書本傳改。

姚僧垣傳。吾年衰暮。刊本吾訛五。今改。

卷九十一

清河房愛親妻崔氏傳。貝丘人。列子不孝。刊本貝訛具。今改。

劇鵬傳。幽后之惑高菩薩也。鵬密諫止之。刊本高訛薛。據后妃傳改。

劉思逸傳。毛暢以關寺在明帝左右。元义妻搆之。出暢爲頓丘太守。刊本頓訛穎。據魏書改。

考證

王叡傳。叡卒贈顯菱侯。案菱。魏書作美。

卷九十三

徒河慕容廆傳。曾祖莫護拔魏。初率諸部落入居遼西。刊本初訛祖。又一雌復一雄。雙飛入紫宮。刊本

脫復字並據晉書改增。

姚萇傳督益梁州諸軍事刊本益下衍守字據晉書刪。又禽與尙書右僕射狄伯支刊本支訛友據十

六國春秋改。

大沮渠蒙遜傳後遣其子纂率羅仇伐乞伏乾歸於枹罕刊本纂訛慕據魏書改。

梁帝蕭督傳白事者必方便避之刊本事字下衍之字。又悠悠之人不可門到戶說刊本脫不字並據

周書刪增。又督乃恨曰刊本乃恨二字互倒今改。

卷九十四

百濟傳分爲五部部有五巷士庶居焉刊本焉訛馬今改。

卷九十五

獠傳親戚比鄰指授相賣乃將買人指搗捕逐刊本脫搗字據周書增。又鑄銅爲器大口寬腹號曰銅

爨刊本爨訛爨據魏書改。

卷九十六

氏傳周明帝時與州人段吒及下辨柏樹二縣人反刊本辨訛辦今改。

吐谷渾傳分戶七百以給吐谷渾吐谷渾與若洛廐二部馬鬪相傷刊本吐谷渾下脫吐谷渾三字。又

汝取十九隻箭折之刊本隻訛雙並據魏書增改。

卷九十七

高昌國傳。此山北鐵勒界也。刊本北訛比。今改。

烏孫國傳。太延三年遣使者董琬等使其國。刊本琬訛琰。據魏書改。

疏勒國傳。產子非六指者不育。刊本指訛丁。據魏書改。

波斯國傳。有鳥形如橐駝。有兩翼飛而不能高。刊本不訛下。今改。

大月氏國傳。自此中國琉璃遂賤。人不復珍之。刊本中國二字互倒。據魏書改。

卷九十八

高車國傳。乃於國北無人之地置高臺。刊本於訛與。又上馬祖乘出闌。刊本祖訛祖。並據魏書改。

舊唐書 晉劉昫撰

卷一

高祖紀。熙生天錫。案新唐書天錫作天賜。

高祖紀。劉黑闥據漳南反。刊本脫南字。今據劉黑闥傳增。

高祖紀。冬十月己丑。刊本己訛乙。今據新唐書帝紀改。

卷三

太宗紀刑部尙書鄖國公張亮刊本鄖訛鄭今據張亮傳改。

太宗紀戊午以結骨部置堅昆都督乙亥幸玉華宮乙卯賜所經高年篤疾粟帛有差乙卯蒐于華原案新唐書帝紀此俱二月中事二月上有癸丑戊午下不得有乙卯且不得有兩乙卯新書乙卯見京城父老勞之乙亥幸玉華宮己卯獵于華原疑此賜所經粟帛與勞京城父老同爲一事而誤置其文在幸玉華宮之下且訛蒐日之己卯爲乙卯也。

卷四

高宗紀遣祭鄭大夫國僑案白虎通公子之子稱公孫公孫之子以王父字爲氏子產係子國子不得稱國僑似誤。

高宗紀改魏州爲冀州大都督刊本脫冀州二字今據地理志增。

卷五

高宗紀蘇州刺史曹王明降封零陵郡王刊本脫降字今據曹王明傳增。

高宗紀引晉立愍懷太子彧子爲太孫案晉書惠帝紀立皇孫臧爲皇太孫愍懷太子傳子臧字敬文此作子彧疑別有據。

卷六

則天武后紀。天官侍郎蘇味道爲鳳閣侍郎。刊本脫爲字。今據新唐書增。
則天武后紀。正諫大夫朱敬則同鳳閣鸞臺平章事。刊本脫同字。今據新唐書增。

卷七

中宗紀。追贈邵王重潤爲懿德太子。刊本邵訛郡。今據本傳改。

中宗紀。上親祔太祖景皇帝。獻祖光皇帝。案禮儀志。開元十一年。追尊宣皇帝爲獻祖。光皇帝爲懿祖。此
獻祖當作宣皇帝。

中宗紀。能知政事。戶部尙書蘇瓌爲侍中。西京留守。刊本脫西字。今據本傳增。

睿宗紀。封少帝爲溫王。刊本脫溫字。今據新唐書本紀增。

睿宗紀。立皇太子妃王氏爲皇后。刊本太訛帝。今據新唐書改。

卷八

玄宗紀。周慶立爲安南市舶使。與波斯僧廣造奇巧。刊本市舶訛使舫。斯訛期。今據新唐書柳澤傳及外
國傳改。

玄宗紀。申王撝爲絳州刺史。刊本絳訛隆。今據本傳改。

玄宗紀。鄂王嗣初改名涓。徙封郎王。案新舊書。鄂王以開元二年封。自後稱鄂王。並無徙封之文。且郎字
亦屬有脫誤。姑仍其舊。

玄宗紀。御史大夫崔隱甫。刊本隱訛德。今據新唐書本傳改。

玄宗紀。慶王直已下十四王並改名。案十三年已書郟王嗣直改名潭。徙封慶。此直字當作潭。

玄宗紀。北庭都督蓋嘉運率兵擊突騎施破之。刊本脫施字。今據新唐書增。

卷九

玄宗紀。朔方節度使張齊丘。刊本齊訛降。今據元和郡縣志改。

玄宗紀。改橫塞城爲天德軍。刊本塞訛密。今據新唐書地理志改。

玄宗紀。丙申次馬嵬驛。刊本申訛辰。今據新唐書改。

玄宗紀。丙午次河池郡。刊本脫次字。今據新唐書增。

卷十

肅宗紀。九月壬辰。案上書八月壬午。旣係朔日。下又書十月辛巳朔。則九月不得有壬辰。通鑑。戊辰。發靈

武。丙子。至順化。此壬辰當作壬申。

肅宗紀。滑魏德貝相六州節度使。案新唐書方鎮表。上元二年。衛滑節度使領州六。滑衛相魏德貝。此滑

下當脫衛字。

卷十一

代宗紀。新店之役。刊本役訛後。今改。

代宗紀。充山南東道節度觀察處置等使。刊本脫南字。今據新唐書增。

代宗紀。劍南西山置乾州。刊本置訛罷。今據新唐書地理志改。

代宗紀。割恒州行唐縣置泚州。刊本行訛衛。泚訛沔。並據新唐書地理志改。

代宗紀。鄧國公張獻誠卒。刊本鄧下衍州字。據本傳刪。

卷十二

德宗紀。詔以梁州爲興元府。鄭縣爲赤畿。案地理志興元府南鄭縣。此脫南字。今據增。

德宗紀。嘗歎遺才。刊本歎訛難。今改。

卷十三

德宗紀。上制中和樂舞曲。刊本舞訛武。今據樂志改。

德宗紀。以祠部員外郎裴泰爲檢校兵部郎中。充安南都護。刊本脫安字。今據舊唐書善本增。

卷十四

順宗紀。漢東郡王泳。刊本郡訛都。今據新唐書改。

卷十五

憲宗紀。以尙書左丞許孟容爲東都留守。刊本東都訛河東。今據本傳改。

卷十六

穆宗紀。以前天平軍節度使馬總復爲天平節度使。刊本平訛下。今據新唐書本傳改。
穆宗紀。持木錘擊莅。刊本錘訛鍾。今據刑法志改。

卷十七

敬宗紀。復置兩輔、六雄、十望、十緊、三十四州別駕。刊本雄訛雍。今據地理志改。
文宗紀。第二男演可封臨安郡王。刊本演訛漢安訛川。並據憲宗二十子傳改。
文宗紀。代盧行術。刊本脫代字。今增。

卷十八

武宗紀。望昇爲從四品。從之。案職官志。會昌二年十二月。勅中丞可升爲正四品。新書百官志亦作正四品。與此異。并年月亦異。

武宗紀。三周不注之山。刊本周訛騎。注訛周。今據左傳改。

武宗紀。汜水縣武牢關。刊本汜訛池。今據地理志改。

宣宗紀。沙州刺史張義潮遣兄張義澤以瓜沙伊肅等十一州戶口來獻。刊本沙州之沙訛汝。肅訛蕭。並據新唐書改。

卷十九

懿宗紀。殺判官張琢。以琢浚城濠故也。刊本脫浚字。據通鑑考異增。

卷二十

哀帝紀同州韓城改爲韓原刊本原訛元今據新唐書地理志改。
哀帝紀屯于深州樂城縣案胡三省曰樂城恐當作樂壽。

卷二十一

禮儀志祀五方上帝于明堂刊本方下行天字據上下文刪。

卷二十二

禮儀志步往則勞動聖躬刊本勤訛曳今改。

禮儀志閏月詔王居門終月刊本詔訛告今據周禮改。

禮儀志撰江都集禮刊本集禮訛禮集今據經籍志改。

卷二十三

禮儀志國子博士侯行果案李鼎祚周易集解侯行果作侯果與此異。

卷二十四

禮儀志宿於齋宮刊本訛作宿齋於宮今改。

禮儀志封韓公介公鄒公刊本介字下脫公字今據新唐書本志增。

禮儀志其後嗣可封文宣公刊本封訛謂今改。

禮儀志春秋二仲上丁刊本脫丁字今增。

禮儀志華陰縣爲秦陰縣刊本華陰訛華陽今據地理志改。

卷二十五

禮儀志昔夏后氏十六代祖顓頊而宗禹刊本十六訛十五。又殷人二十七代祖契而宗湯刊本脫二

十字並據史記改增。

禮儀志水草陸醢刊本醢訛海據禮記祭統陸產之醢句改。

禮儀志籩人醢人刊本醢訛豆據周禮改。

卷二十六

禮儀志蓋千慮一失刊本慮訛里今改。

卷二十七

禮儀志嫂叔之無服刊本無訛不今據禮志改。

卷二十八

音樂志以御詩著于樂府刊本著訛等據新唐書改。

音樂志又大司馬之職刊本職訛班今據周禮改。

卷三十

音樂志祭神州于北郊樂章八首刊本脫章字今增。

卷三十一

音樂志於萬斯年刊本萬斯訛斯萬今改。

音樂志用光武烈刊本烈訛至今改。

卷三十三

歷志芸始生刊本芸訛芒今據月令改。

歷志麋角解案月令所載是麋非麋詳見御製麋角解記第沿訛已久姑仍其舊。

歷志盲風至刊本盲訛暴案禮記月令作盲字呂氏春秋作涼此仲秋當從月令爲正今據改。

歷志鷓旦不鳴刊本旦訛鳥據月令改。

歷志日減一百九十八分刊本脫八字今據新唐書增。

歷志後順差行刊本順訛須又注五百九分先遲日益疾一分刊本九下脫分字遲上衍進字疾下脫

一字並據新唐書增改。

卷三十四

歷志恒氣句下小注四正卦刊本正訛月據新唐書改。

歷志以損益朮腦積刊本脫腦字據新唐書增。

歷志少半太準爲全度。刊本全訛令。據新唐書改。

歷志夏至降六十四。刊本降訛陟。據新唐書改。

卷三十五

天文志陰陽之所和也。刊本和訛合。據周禮改。

天文志立八尺之表。其景適與土圭等。刊本脫之表及土圭四字。據周禮注增。

天文志今誠以爲蓋天。則南方之度漸狹。刊本度訛廣。今據新唐書改。

卷三十六

天文志秭歸在歸州。刊本歸州訛西。據地理志改。

天文志自渤海九河之北。刊本脫九字。據新唐書增。

天文志光芒益盛。刊本盛訛襲。據新唐書改。

天文志災異編年月有黃白冠。刊本月訛上。據新唐書改。

卷三十七

五行志昔禹得河圖洛書六十五字。刊本脫六字。據宋書符瑞志增。

卷三十八

地理志裂地爲四十郡。刊本四十郡訛四十九郡。據史記始皇本紀改。

地理志。謂司隸、并、荆、兗、豫、揚、冀、青、徐、益、交、涼、幽等十三州。刊本涼訛梁。據漢書地理志改。
地理志。分天下爲十五道。刊本十五訛五十。據新唐書改。
地理志。成德軍節度使。刊本脫德字。據新唐書方鎮表增。
地理志。潘原。隋陰盤縣。刊本脫潘原二字。又縣界有陰盤廢縣。刊本陰盤訛潘原。並據元和志增改。
地理志。改爲興唐府。刊本唐訛德。據新唐書地理志改。
地理志。漢肥城縣。刊本城訛壕。據元和郡國志改。
地理志。置徐州總管。刊本徐訛德。據元和志改。

卷三十九

地理志。漢皮氏縣。刊本皮訛艾。據漢書地理志改。
地理志。舊刈陵縣。隋改曰黎城州。案隋地理志作黎城。此州字衍。又案元和志刈作剗。
地理志。唐隆元年。刊本隆訛龍。今據帝紀改。
地理志。貞元十五年。刊本貞元訛貞觀。據新唐書改。
地理志。改太和縣爲臨泉縣。刊本和訛初。據新唐書改。
地理志。割河陽、溫、濟、王屋四縣。刊本溫訛源。據新唐書改。
地理志。管刑、溫、和、封、起、東、龍六州。刊本起訛蓬。據新唐書改。

地理志滿城刊本訛蒲城據新唐書及通典改。

地理志置武興縣屬瀛州長安四年改屬易州刊本與訛昌又脫易字並據新唐書增改。

地理志雍奴安次刊本雍訛雄據新唐書改。

地理志及廢魯州之方城刊本方訛古又以方城屬僊州刊本僊訛遷並據新唐書改。

卷四十

地理志六安國故城刊本脫安字據漢書地理志增。

地理志以廢宋安縣爲谷州刊本縣訛郡據新唐書改。

地理志改歸化縣爲金陵刊本陵訛提據新唐書改。

地理志領吳城崑山嘉興常熟四縣案城字衍。

地理志煬帝改爲閩州刊本閩訛泉據隋書改。

地理志又析置石埭縣刊本埭訛壤據新唐書改。

地理志溱南九州刊本溱訛商據通典改。

地理志漢冥安縣刊本冥訛寘據漢書地理志改。

地理志姑墨州刊本姑訛和據新唐書改。

地理志蓬口州刊本脫一口字據新唐書增。

地理志爲仇池氏羌刊本氏訛五據新唐書改。

地理志瀘陽漢縣刊本脫漢字據漢書地理志增。

卷四十二

職官志國子監爲司成館刊本成訛丞據新唐書改。

職官志太史局司辰刊本史訛司據司天臺注改。

卷四十三

職官志改爲內書侍郎刊本內訛中據唐六典及隋書官志改。

卷四十四

職官志漢御史大夫有二丞刊本大夫訛作臺據唐六典及漢書百官公卿表改。

職官志連版爲之刊本之訛小據六典改。

職官志舊翟尾扇開元初改爲繡孔雀刊本尾扇訛扇尾又初上行年字據六典刪。

職官志女史二人句下刊本衍正八品三字據上下文刪。

職官志卿省牲器刊本牲訛能據六典改。

職官志幕士一千六百人刊本脫士字據六典增。

職官志執器楯及旗等刊本執訛之據六典改。

職官志取庖丁解牛之義刊本丁訛刀今改。

職官志醫學博士刊本學訛藥據六典改。

卷四十五

輿服志裳刺黼一章刊本黼下衍黻字據新唐書刪。

輿服志朱領襍襪裾刊本訛作朱襪裾白裙襦據新唐書刪改。

卷四十六

經籍志易論一卷宋處宗撰刊本處訛睿據新唐書改。

經籍志鄒誕生注刊本鄒誕生訛邵鄒生據隋書改。

經籍志山陽公載記刊本脫公字又載訛義據新唐書改。

經籍志四王起事四卷刊本事訛居據隋書改。

經籍志漢官解故三卷刊本故下衍事字據隋書刪。

經籍志漢舊儀四卷刊本舊訛書據新唐書改。

經籍志明山賓等撰刊本脫賓字據隋書增。

經籍志圈稱撰刊本圈訛闕據新唐書及水經注改。

卷四十七

經籍志。董子一卷。刊本一訛二。案漢書藝文志。董子止一篇。又新唐書亦作一卷。今據改。

經籍志。殷興續刊本。與訛奧。據新唐書改。

經籍志。相鶴經。伯樂撰。刊本樂訛變。據新唐書改。

經籍志。晉元正宴會游集四卷。刊本正訛氏。據新唐書改。

卷四十八

食貨志。若當戶者加二十畝。刊本當訛爲。據新唐書改。

食貨志。每日絹三尺。刊本脫絹字。據新唐書及通考增。

食貨志。十斗爲斛。刊本十下衍大字。據六典刪。

卷四十九

食貨志。其明年以後所得稅錢外貯之。刊本脫錢字。據通考增。

食貨志。代百姓納榷酒錢。刊本脫錢字。據通考增。

卷五十

刑法志。然則祖孫重而兄弟屬輕。刊本脫祖字。據新唐書增。

卷五十七

裴寂傳。寂一日一夜馳至晉州。以東城鎮俱沒。案新唐書晉州下當重晉州二字。

卷六十

河間王孝恭傳。盃中之血乃公祐授首之徵也。刊本徵也。訛後徵。據新唐書改。

卷六十一

竇威傳。扶風平陵人。刊本陵訛陸。據北史竇熾傳改。

卷六十八

張公謹傳。次子大素。刊本素訛業。據新唐書改。

卷七十一

魏徵傳。鉅鹿曲城人也。據新唐書作魏州曲城人。

魏徵傳。乃賞其道里所費而返之。案漢書作還馬與道里費。此賞字當是償字之訛。

卷七十六

吳王恪傳。武德二年封蜀王。案新唐書鬱林王恪始王長沙。俄進封漢。貞觀二年徙蜀。與此異。

卷八十

褚遂良傳。是以古人虛外實內。刊本是訛時。據新唐書改。

卷八十五

唐臨傳。郊祀天地。刊本訛郊天祀地。又本無案架。刊本架訛據。並據音樂志改。

卷八十六

章懷太子傳。封樂安郡王。刊本樂安訛安樂。據新唐書改。

卷八十九

姚璿傳。時有大食國使。刊本食訛石。據新唐書改。

卷九十三

張仁愿傳。請乘虛奪取漠南之地。刊本漠訛漢。據新唐書及元和志改。

卷九十五

讓皇帝憲傳。上令慶王潭以下。刊本潭訛澤。據本傳改。

卷九十六

宋璟傳。凡人子于哀迷之際。刊本迷訛送。據冊府元龜及新唐書改。

卷九十七

劉幽求傳。宰相中有崔湜岑羲。刊本岑訛崔。據本紀及列傳改。

郭元振傳。乃拓州境一千五百里。刊本脫里字。據新唐書增。

卷九十八

源乾曜傳。隋比部侍郎師民之孫也。刊本避唐諱。刪民字。今據新唐書及世系表增。

卷九十九

張九齡傳。子拯。伊闕令。刊本拯訛極。案九齡子惟拯一人。據宰相世系表及新唐書本傳改。

卷一百一

辛替否傳。愛數子而三取怨于天下。案新唐書作愛一女。語意較明。應據改。

卷一百二

徐堅傳。以擊姚州西洱河蠻。刊本洱訛貳。案新唐書本傳作洱。今據水經注改。

卷一百三

王君奭傳。開元十四年。刊本四訛六。據本紀改。

卷一百四

高仙芝傳。不取汝城。亦不斫汝橋。刊本不訛吾。據新唐書改。

封長清傳。乃從提象門出。刊本出訛入。據新唐書改。

卷一百五

宇文融傳。思其舊功。刊本功訛恩。據新唐書改。

韋堅傳。嗣薛王瑊。仍于夜郎郡安置。刊本仍字上行停字。據睿宗諸子傳刪。

卷一百七

光王瑀傳。澄封爲豐王。漣封爲恒王。刊本豐訛翌。恒訛亘。據本傳及新唐書改。

卷一百八

杜鴻漸傳。父鵬舉官至王友。案新唐書作官至安州刺史。

卷一百十

李光弼傳。至是衆兵交于光弼。刊本衆交訛交衆。據新唐書改。

李光弼傳。遽命郝玉曰。爾往擊之。據新唐書作郝廷玉。

卷一百十一

崔光遠傳。殺十數人方定。刊本定訛令。據新唐書改。

卷一百十五

李承傳。事兄以悌聞。刊本悌訛孝。據新唐書改。

卷一百十六

越王係傳。建中元年十一月。封武威郡王。刊本脫建字。今增。

卷一百十七

嚴武傳。以劍南兩川合爲一道。刊本脫南字。據地理志增。

崔寧傳。歷司階折衝郎將等官。刊本將字下衍軍字。據新唐書刪。

嚴震傳。泚令腹心穆庭光宋瑗等齎帛書誘震同叛。刊本帛訛白。據新唐書改。

嚴震傳。南鄭縣昇爲赤。刊本脫南字。今據地理志增。

卷一百十八

元載傳。屯在中都。刊本屯訛管。據新唐書改。

卷一百二十

郭子儀傳。母弟幼明子昕。刊本母訛族。據本傳及新唐書改。

郭子儀傳。安社稷必在于絳侯。刊本在訛有。據冊府元龜改。

卷一百二十一

僕固懷恩傳。從李光弼與史思明戰于邙山。刊本脫與字。據新唐書增。

僕固懷恩傳。元帥雍王留陝州。刊本元帥上衍副字。據本傳及德宗紀刪。

僕固懷恩傳。以相衛、洺、邢、趙五州。刊本訛作以相衛州洺邢趙。今據新唐書刪改。

卷一百二十二

曲環傳。與諸軍固守寧陵。戰陳州。刊本固守作守固。又脫戰字。據新唐書增改。

裴胄傳。觀察判官許鳴謙。刊本鳴訛鴻。據新唐書改。

卷一百二十七

姚令言傳。惟糲食菜餒而已。刊本餒訛啖。據通鑑改。

卷一百二十八

段秀實傳。仙芝大虜。刊本仙芝訛靈察。據新唐書改。

段秀實傳。節度使梁宰。刊本複衍一宰字。今刪。

段秀實傳。敢後徙者族。刊本後徙者訛後者徙。據新唐書改。

顏真卿傳。平原縣令范冬馥。刊本冬訛東。據新唐書及通鑑改。

韓滉傳。漫其商絃。刊本商訛纂。據新唐書改。

卷一百三十

李泌傳。司徒何弼之六代孫。案北史李弼傳。賜姓徒何氏。拜大司徒。此司下當脫一徒字。

卷一百三十一

李皋傳。與皋兵相直。去蔡山三百餘里。刊本直訛在去字下。據新唐書改。

卷一百三十二

李抱玉傳。光弼自將于中潭城。摯捨南城攻中潭。刊本潭訛灘。據本書及新唐書元和志改。

卷一百三十四

馬燧傳九年十月燧對于延英刊本十月訛七月據新唐書本傳改。

卷一百三十五

盧杞傳投狀自言其有隱錢百沒入二千刊本自下脫言字又衍其有私簿投狀六字據新唐書及通鑑改正。

裴延齡傳羨餘之費刊本費訛廢據陸贄集改。

皇甫鎛傳皇甫鎛安定朝那人案地理志涇州無朝那縣志通志臨涇有後魏故朝那城新唐書本傳亦作涇州臨涇人此誤。

卷一百三十七

于公異傳時議者訾之刊本訾訛言今改。

卷一百三十八

韋倫傳襄州大將張維瑾刊本脫維字據帝紀及通鑑增。

賈耽傳授絳州正平尉案新唐書作太平尉與此異。

卷一百三十九

陸贄傳是知人主輕重不在名稱刊本脫主字名訛自據陸贄集及通鑑增改。

陸贄傳孰能忍懷刊本懷訛情據陸贄集改。

卷一百四十二

王廷湊傳。魏博將丁志沼。刊本沼訛治。據李晟傳及新唐書王廷湊傳改。

卷一百四十四

李觀傳。知開府儀同三司。刊本府上行封字。據職官志刪。

卷一百四十五

董晉傳。長源好更張。數請改易舊事。刊本更張下行云爲二字。據新唐書刪。

李忠臣傳。淮西十一州節度使。刊本脫西字。據新唐書方鎮表增。

卷一百四十六

李說傳。支度營田觀察等使。刊本支度訛度支。據職官志改。

卷一百四十七

杜黃裳傳。何遠開口議禁中事邪。刊本何遠訛可復。據新唐書改。

杜黃裳傳。於故邠寧節度使。刊本故下衍州字。據新唐書刪。

卷一百四十八

裴迥傳。憲宗令追與冗官。刊本冗訛慢。據新唐書改。

卷一百四十九

歸崇敬傳。掌以美詔王。刊本美訛義。據周禮改。

蔣乂傳。充鳳翔隴右節度使。刊本脫右字。據地理志增。

卷一百五十一

高崇文傳。管內支度營田。刊本支度訛度支。據職官志改。

卷一百五十二

郝廷玉傳。廷玉擒賊將徐璜玉而還。刊本璜下脫玉字。據李光弼傳增。

卷一百五十四

許孟容傳。俄知吏部選事。刊本吏訛禮。據職官志及唐六典改。

卷一百五十七

馬總傳。刺史穆贊鞠總。刊本刺史訛從事。據穆贊傳及新唐書馬總傳改。

韋宏景傳。改戶部度支郎中。刊本戶訛吏。據職官志及唐六典改。

卷一百五十八

武元衡傳。事在隱逸傳。刊本隱逸訛逸人。據本書改。

卷一百六十

韓愈傳。武丁在位五十九年。刊本脫九字。據韓文考異增。

柳宗元傳。曾伯祖爽。高宗朝宰相。刊本宗訛祖。據本紀及柳爽傳改。

卷一百六十一

李光進傳。王承宗反。范希朝引師救。易定。刊本脫反字。據新唐書帝紀增。

卷一百六十二

盧簡辭傳。暢當博士。刊本訛常暢博士。據全唐詩改。

卷一百六十五

柳公綽傳。何愛朕之深也。刊本愛訛憂。據新唐書改。

卷一百六十六

元稹傳。出則有晉鄭魯衛之威。刊本威訛成。據長慶集改。

元稹傳。由是百方侵毀。刊本方訛萬。今改。

卷一百六十八

韋溫傳。文宗深獎之。刊本宗訛帝。今改。

卷一百七十二

令狐緒傳。歷隨壽汝三州。刊本州訛郡。據新唐書改。

卷一百七十三

鄭覃傳。禮部員外郎孔溫業等。刊本脫孔字。據新唐書增。

卷一百七十七

路巖傳。陽平冠氏人也。案唐無陽平郡。新唐書作魏州冠氏人。應據改。

卷一百八十一

羅威傳。保于高唐。刊本唐訛堂。據新唐書改。

卷一百八十五下

姜師度傳。遷陝州刺史。刊本州訛西。今改。

潘好禮傳。貝州宗城人。刊本宗訛宋。據地理志改。

卷一百八十六上

來俊臣傳。遂妄告密。召見奏。刺史東平王續杖之一百。案新唐書作獄中上變。刺史東平王續案訊無狀。

杖之百。明未得召見也。此召見奏三字。因下文復告密句致衍。

卷一百八十六下

吉溫傳。使吏誘之云。刊本吏訛典。據新唐書改。

卷一百八十七上

羅士信傳。擊賊維水之上。刊本維訛灘。據新唐書改。

卷一百八十七下

李愷傳。初爲咸陽尉。案新唐書咸陽作成安。地理志成安屬相州。此下正言相州事。應據新唐書改。
李愷傳。天兵軍大使。刊本天兵訛太平。據地理志及張說傳改。

卷一百八十八

張公藝傳。鄆州壽張人。張公藝。刊本鄆訛鄆。據地理志改。
趙宏智傳。大理卿。郎楚之。刊本大理訛太禮。據郎餘令傳改。

卷一百八十九上

儒學傳論。薦舉通經之士。刊本通經訛經通。據新唐書改。
朱子奢傳。充使諭旨。刊本旨訛可。據新唐書改。

卷一百八十九下

徐岱傳。勅改所居爲復禮鄉。刊本改訛故。今改。

卷一百九十上

袁朗傳。羣僚表請勸進。刊本羣訛郡。據新唐書改。

卷一百九十下

李白傳。韓準。刊本準訛沔。據孔巢父傳改。

卷一百九十二

孔述睿傳。祖祖舜。刊本脫一祖字。據新唐書增。

卷一百九十三

楊慶妻王氏傳。可封永壽鄉君。刊本鄉訛郡。據新唐書改。

卷一百九十五

回紇傳。奚結爲鷄鹿州。刊本奚訛跌。據新唐書地理志及回紇傳改。

回紇傳。封爲燉煌郡王。刊本脫郡字。據新唐書回紇傳增。

回紇傳。懷恩遣兵馬使范志誠。刊本志訛至。據僕固懷恩傳改。

卷一百九十六

吐蕃傳。祿東姓姜氏。案新唐書作薛祿贊。姜疑是姜字爲薛字之訛。

卷一百九十七

林邑國傳。漢日南象郡之地。刊本郡訛林。據唐會要改。

南詔蠻傳。收鐵橋已東城壘一十六。刊本東訛來。據德宗紀改。

卷一百九十八

吐谷渾傳。獲其南王慕容孝雋。刊本南訛高。據新唐書改。

康國傳。其王姓溫月氏人。刊本脫人字。據新唐書增。

卷一百九十九

新羅國傳。止戈成大定。刊本成大訛戎衣。據新唐書改。

卷二百

秦宗權傳。秦宗權許州人。刊本與新唐書作蔡州上蔡人者異。

唐書 宋歐陽修宋祁等撰

目錄

劉師立。刊本師訛思。據本傳改。

李元平。刊本元平二字訛倒。據本傳改。

王守一。刊本守一訛宰。據本傳改。

卷三

高宗本紀。永淳元年。突厥寇邊。嵐州刺史王德茂死之。刊本王訛三。今改。

卷四

長安四年二月癸亥。貶李迥秀爲廬州刺史。刊本二訛三。據監本改。

卷六

大歷七年。江州江溢。刊本州訛水。下江字訛汎。據監本及五行志改。
十三年。郴州黃芩山崩。刊本芩訛岑。據監本改。

卷八

敬宗寶曆二年。殺其節度使朱克融。其子延嗣。刊本延訛廷。據朱克融傳改。
武宗會昌元年。崔郾罷。刊本郾訛鄆。據本傳改。

卷十

昭宗天復元年。盧光啓爲左諫議大夫。刊本左訛右。據本傳改。

卷十三

禮樂志。祔玄宗肅宗。而遷獻祖懿祖于夾室。刊本祔訛禘。據監本改。

卷十七

又張帷於序外具饌。刊本具饌訛冠席。據監本改。

卷十八

使者曰有制。刊本使訛制。又掌事者一人。刊本掌事二字互倒。又進授使副冊寶。刊本授訛進。又
司寶各一人立於后左。刊本后訛右。又皇帝侍者餞皇后之饌。刊本餞訛饌。又升自西階。妃從升。

刊本從升訛西向。並據監本改。

卷二十八下

陰陽歷。以加減初率。注。少象減之。老象加之。刊本少訛爻。據監本改。

卷三十四

五行志。庶幾深識博聞之士。有以考而擇焉。刊本考訛者。據監本改。

卷三十五

鵠始後看顛狂。案後。毛本監本俱作復。

卷三十六

幽州平地水深二丈。刊本地訛城。據監本改。

卷三十七

地理志。雍州京兆府雲陽。注。雲陽曰池陽。刊本下陽字訛湯。據監本改。

卷四十

肅州酒泉郡縣三。刊本三訛二。據監本改。

卷五十

兵志。高祖以渭北白渠旁民棄腴田分給之。刊本民訛子。據監本改。

卷五十四

食貨志銅之爲兵不如鐵。刊本鐵訛錢。據監本改。

卷五十六

刑法志所至閔獄囚。扭校糧餉治不如法者。刊本治訛法。據監本改。

卷五十八

藝文志雜史類。郭季產晉續紀五卷。刊本紀訛糾。又李筌闕外春秋十卷。刊本闕訛問。並據監本改。
刑法類太極格十卷。注右散騎常侍徐堅。刊本右訛查。據監本改。
地理類地域方尺圖一卷。刊本域訛城。據監本改。

卷五十九

儒家類六經法言二十卷。注韋處厚路隋撰。刊本隋訛有。據路隋傳改。

卷六十一

宰相表上景雲元年庚戌。刊本脫庚戌二字。又先天元年壬子。刊本脫壬子二字。並據監本增。

卷六十二

宰相表中建中二年。注正月戊辰寶臣死。刊本寶訛寶。據毛本改。

卷六十四

方鎮表。元和十一年注。彰義軍節度。刊本彰訛彭。據藩鎮傳改。

卷六十七

廣德二年注。以衡潭邵永道五州隸湖南。刊本道訛衡。據毛本改。

卷六十八

大歷五年。劍南東川節度罷。刊本川訛州。據毛本改。

卷七十上

宗室世系表。大鄭王房注。太子左庶子濬甫。刊本缺濬字。據毛本補。

卷七十下

紀王房注。台州押衙少毅。刊本押訛抑。據監本改。

卷七十二中

宰相世系表。王肅注。昱好時丞。刊本時訛時。據毛本改。

卷七十二下

安之之族。徙居襄陽。刊本徙訛從。據毛本改。

裔孫顯注。淮師未陽令。刊本未陽訛朱湯。今改。

居滎陽。號鄭州崔氏注。元綜相武后。刊本綜訛琮。今改。

卷七十三下

薛氏大房注殷圖華陰尉刊本華訛莘據毛本改。

卷七十五上

鄭氏大房注文權栝蒼丞刊本栝訛恬。又元祐洹水令刊本洹訛豆並據毛本改。

滄州鄭氏注愔相中宗刊本愔訛情據毛本改。

徙居南康贛縣生寶慎刊本贛訛藉據毛本改。

晃三子恭畿洽徙廣平注渾太子左諭德刊本脫德字據毛本增。

子良生越椒刊本椒訛倣據左傳改。

卷七十六

高宗則天順聖皇后傳詔毀乾元殿爲明堂刊本元訛光今改。

中宗和思順聖皇后傳父瓌尙高祖長樂公主刊本瓌訛環據本傳改。

上官昭容傳因以求劇職要官刊本劇訛遽據毛本改。

卷七十八

王廣業傳國貞剛鯁有吏才刊本吏訛利據毛本改。

卷八十一

惠莊太子攜傳。刊本惠莊二字互倒。據舊唐書改。

卷八十九

屈突通傳。雖不大克。亦不敗負。刊本敗訛敢。今改。

卷九十

劉弘基傳。行及汾陰。刊本及訛反。今改。

劉政會傳。後追徙渝國。刊本後訛從。今改。

卷九十五

高儉傳。義府奏悉索氏族志燒之。刊本奏訛奉。今改。

卷九十六

杜元穎傳。戍人寒飢。刊本戍訛戎。據毛本改。

卷九十八

馬周傳。遣使者四輩。刊本遣訛道。今改。

卷九十九

李綱傳。終恒州刺史。刊本恒訛桓。今改。

李大亮傳。使居塞外。刊本居訛吾。據毛本改。

戴胄傳。胄犯顏據正數矣。刊本矣訛查。據毛本改。
崔仁師傳。授簡州刺史。刊本簡訛閭。據舊唐書改。

卷一百

裴矩傳。唯矩挺節無穢聲。刊本唯訛雖。據毛本改。
權萬紀傳。武都郡公。刊本都訛督。據毛本改。
閻讓傳。建離宮清暑。刊本暑訛署。據毛本改。
閻立本傳。女爲義王玼妃。刊本玼訛玼。今改。

卷一百一

蕭復傳。復嘗言艱難以來始用宦者。刊本來訛求。據毛本改。
蕭俛傳。朝廷調兵不充。刊本充訛克。據毛本改。

卷一百三

張玄素傳。庫宮陋食。以安海內。刊本庫宮訛庫官。據毛本改。
又從善若流。尙恐不逮。刊本尙訛尙。今改。

卷一百四

于志寧傳。志寧懷不能已。刊本已訛言。據毛本改。

卷一百五

長孫無忌傳。同三品自此始。刊本三訛五。今改。又其以裔孫均爲猗氏令。刊本猗訛綺。據地理志改。

卷一百六

崔知溫傳。今地膏腴衆孽夥。刊本孽訛孽。據毛本改。

趙弘智傳。弘智舉五經。刊本經訛孝。據毛本改。

楊弘禮傳。遷司農卿。刊本遷訛還。據毛本改。

卷一百七

史臣贊。薦圭壁於房闈。刊本闈訛闌。據毛本改。

卷一百八

裴行儉傳。復爲金牙道大總管。刊本金訛今。據毛本改。

卷一百九

宗楚客傳。后召問方略。刊本問訛周。據毛本改。

卷一百十

馮盎傳。子寶。刊本寶訛寶。據監本毛本改。

契苾何力。鐵勒哥論。易勿施傳。討吐谷渾於赤水川。刊本赤訛赦。今改。

卷一百十一

郭孝恪傳。那利素得士心。刊本土心訛志。據毛本改。

卷一百十四

徐彥伯傳。武后撰三教珠英。刊本撰訛選。據毛本改。

卷一百十五

狄仁傑傳。因相與哭碑下。刊本因訛出。據毛本改。又置褚衣中。刊本褚訛楮。據漢書改。

卷一百十六

王綝傳。荀訥謂禮有忌日。無忌月。刊本訥訛納。據晉書改。

陸象先傳。若不者。湜敢辭。刊本若訛君。據毛本改。

卷一百十七

魏玄同傳。不擇舉者之賢。而責所舉之濫。刊本責訛擇。據毛本改。

卷一百十八

辛替否傳。冀誤骨肉。刊本誤訛娛。據毛本改。

李渤傳。後爲江水潰毀。渠遂厥淺。刊本厥訛廢。據毛本改。

李中敏傳。有司先審其副。刊本先訛允。據毛本改。

卷一百十九

白居易傳。外則盧從史。范希朝。刊本從訛。攸今改。

卷一百二十五

蘇瓌傳。紀處訥。刊本訥訛之。今改。

卷一百二十八

王志愔傳。自稱光帝。刊本光訛先。據舊唐書改。

潘好禮傳。開元初爲邠王府長史。刊本王訛州。據舊唐書改。

卷一百三十四

章堅傳。皆巾幘。鮮冶。刊本冶訛治。據監本改。

卷一百三十五

哥舒翰傳。翰但齋襪裝。曰。刊本襪訛襍。據監本改。

卷一百三十六

白孝德傳。以騎五千挑戰。刊本千訛十。據監本改。

卷一百三十八

路嗣恭傳。遂斬晃及支黨萬餘。刊本晃訛光。今改。

卷一百三十九

李泌傳。拜中書侍郎。刊本郎訛中。據舊唐書改。

卷一百四十二

韋處厚傳。相府肅然。刊本肅訛蕭。據監本改。
路隋傳。裂裳濡血。刊本裳訛棠。據監本改。

卷一百四十四

來瑱傳。會嗣號王巨表。炆方固守。乃還。刊本號訛號。據監本改。

卷一百四十五

楊炎傳。始自邠土。刊本自訛勻。據監本改。

卷一百四十六

李吉甫傳。則吏寡易求。官少易治。刊本吏訛利。據毛本改。

卷一百五十三

段秀實傳。仙芝討大食。圍怛邏斯城。刊本圍訛圖。據監本改。

新唐書糾繆 宋吳縝撰

自相違舛條謂九王史逸其系胄而自有系胄可見者刊本逸訛作失據新唐書改。

卷六

楊子琳作楊惠琳案語帝乃還寧於蜀未幾子琳敗刊本脫子琳敗三字據新唐書增。

卷七

袁朗鄉里案語今新史乃云其先雍州長安人刊本安訛樂據新唐書改。

卷九

天平軍節度使姓名次序紀傳不同案語紀稱朱宣逐存實而自稱留後刊本後下衍相字據新唐書刪。

卷十二

事狀叢複條獨孤懷恩刊本恩訛忠據新唐書改。

卷十六

先後失序條蔣乂傳母亡遺言句成禮刊本言訛古據新唐書改。

卷十七

編次未當條李栖筠傳阻山自防東南厭苦刊本自防二字訛作房字據新唐書改。

卷二十

字書非是條裴冕傳刊本冕訛晃據新唐書改。

著者 (清) 王太出等撰書碼 082·47

Author Call No. 7437

書名 四庫全書考證：(十一)11
Title

登錄號碼 007481
Accession No.

月日 Date	借閱者 Borrower's Name	月日 Date	借閱者 Borrower's Name

國立中央圖書館

083·47

007481

書碼

7437

登錄號碼

11

國立中央圖書館



0007481



.47

籍